

文獻叢編

二十六年第五輯


中華民國二十六年五月出版

文獻叢編二十六年第五輯

編輯 國立北平故宮博物院文獻館

發行 國立北平故宮博物院出版物發行所

印刷 北平宣內東斜街新新印書局
電話 西局五五六八



郵費		價目表	
本市	每期一分	五角	每月一册
外埠	每期一角	二元七角	半年六册
外國	每期二角五分	五元二角	每年十二册

二十六年第五輯文獻叢編目錄

清宗人府堂額

照片

清世宗行樂圖

照片

康熙朝議修實錄聖訓等事題稿檔內閣大庫檔

刑科奏章文冊選錄

內閣大庫檔

光緒十年中法交涉電報檔軍機處檔

蘇州織造李煦奏摺(續)宮中檔案

奏報米價並進晴雨錄摺

奏請節哀摺

奏安徽陝西省籍商人子姪請在揚州應試摺

奏報米價並進晴雨錄摺

請安摺

奏報米價並進晴雨錄摺

奏報米價並進晴雨錄摺

奏風聞武進縣捕役獲住匪類搜出偽劄摺

奏報御稻收割情形摺 附單二

奏鹽課未完銀兩請准五綱帶完摺

教案史料(續)軍機處檔

直隸蔚州美教士貝以撒被毆案

美欽差鏤斐迪請速辦結蔚州教案照會

美教士貝以撒爲被毆事之申陳

江西瑞昌縣美教堂被毀教士被毆案

美欽差艾忒敏請速辦結瑞昌教案照會

美欽差艾忒敏知照瑞昌教案應詳由漢口領事官辦理照會

美欽差艾忒敏再述瑞昌教案情事照會

美教士海格思等稟詞

美欽差艾忭敏照復瑞昌教案須另派公正委員查辦照會

江西九江美國化善堂關閉幼孩案

美欽差艾忭敏照復九江化善堂照會

美欽差艾忭敏致謝了結九江化善堂一案照會

光緒庚子辛丑電報（續）軍機處檔

昇平署崑弋承應戲（續）內務府檔

行圍得瑞

寶塔凌空

福祿天長

附錄

清宗人府檔案之初步整理

文獻館二十六年四月份工作報告

康熙朝議修實錄聖訓等事題稿檔內閣大庫檔

原檔一冊，漢滿文合璧，收康熙二十一年大學士勒德洪等議重修太祖實錄及議覆御史戴王縉請修三朝聖訓平定三逆方略等疏凡九通。今爲之排比月日錄其漢文於此。

禮部尙書武英殿大學士臣覺羅勒德洪等謹題爲請旨事該臣等查得崇德元年十一月內內國史院大學士剛林等將修完太祖高皇帝滿漢蒙古字實錄進呈訖今臣等恭閱太祖高皇帝實錄未有御製序文及進呈表文凡例目錄至文字等項俱與實錄體式不符茲太宗文皇帝實錄告成進呈御覽一部已經繕完應俟收貯皇史歲及臣衙門庫內二部繕寫完日將太祖高皇帝實錄照太宗文皇帝實錄體式恭加重修臣等未敢擅便謹題請旨是應行事宜該部議奏康熙二十一年八月初十日

禮部尙書武英殿大學士臣覺羅勒德洪

禮部尙書武英殿大學士加一級臣明珠

太子太傅戶部尚書保和殿大學士加三級臣李 燾

禮部尚書保和殿大學士加三級臣王 熙

內閣學士兼禮部侍郎臣石 柱

內閣學士兼禮部侍郎臣達 代

內閣學士兼禮部侍郎加二級臣喇 巴 喀

內閣學士兼禮部侍郎臣王 守 才

經筵講官內閣學士兼禮部侍郎臣張 玉 書

內閣大學士兼禮部侍郎臣胡 簡 敬

二

內閣等衙門禮部尚書武英殿大學士臣覺羅勒德洪等謹題爲實錄業已告成寶訓亟宜修輯益昭列聖之弘模永垂萬世之法守事准禮部呈稱禮科抄出巡視西城福建道試監察御史戴王縉題前事內稱恭惟古帝王纘承鴻緒治定功成類輯祖德宗功彙成典訓所以用光前列昭示來茲也恭惟我太祖

太宗神靈天授肇造洪圖我世祖智勇性成混一區夏自創業垂統以來嘉謨嘉猷盡善盡美眞足比隆堯舜媲美文武非三代以下所可追蹤萬一也我皇上聖孝純仁丕揚祖烈親政之初卽命儒臣纂修實錄今已次第告成炳耀天壤昭垂奕禩矣惟是實錄所編當寧臨朝之政事咸載無遺而其中之大經大法足垂著鑑者是宜恭輯寶訓各成一書以及清宮便殿聖訓仁言亦宜詳加採錄凡列聖之訂謨碩義悉紀瑤編俾億萬世聖子神孫朝夕披閱恍聆祖誨於以作繩武之典型發象賢之神智其所裨益洵非淺鮮也臣更有請者前逆藩背叛仰賴我皇上神機獨運消平禍亂雖文武諸臣宣謀効力其實剋期攻戰制勝出奇無一不仰稟睿裁奏捷如嚮數年之中妖氛盡掃烽燧全消自有史冊以來所未聞者也皇上躬謁山陵旣已告成於祖宗更當垂謀於孫子况今更定樂章以饗郊廟肇修會典以備章程而我皇上宵旰經營永清耆定之功豈可不卽爲編輯以垂不朽也哉請祈勅下部院衙門將歷年用兵檔案彙纂成書庶天下後世共仰廟謨之神武更昭法鑑於無疆矣如果臣言不謬伏

乞睿鑒施行爲此具本謹題請旨等因於康熙二十一年七月初二日具題本月初七日奉旨這本內事情內閣翰林院會同確議具奏欽此咨呈到閣該臣等會議得監察御史戴王縉條議內稱太祖太宗世祖皇帝實錄所編當寧臨朝之政事咸載無遺其中之大經大法足爲著鑑者是宜恭輯寶訓各成一書以及清宮便殿聖訓仁言亦宜詳加採錄凡列聖之訂謨碩議悉紀瑤編俾億萬世聖子神孫朝夕披閱恍聆祖誨等語查康熙十年四月內奉有纂修太祖太宗聖訓務期早竣之上諭本年六月內大學士圖海等奏稱今纂修聖訓若將字句潤色恐與實錄不符不加潤色則又不合訓體等因奉旨關係垂訓事宜字句未盡善的著潤色後修實錄著令畫一欽此纂修告竣禮部將進呈典禮具題奉旨這選擇日期啟奏聖訓與實錄一例俟太宗文皇帝實錄完日一併具奏欽此太宗文皇帝實錄現經擇日進呈太祖太宗聖訓理應一併進呈但查康熙二十年正月內臣等衙門爲請旨事疏內一款查聖訓內有漢文難以翻譯將滿文前後更易者有將頒給朝鮮國敕諭增減改易與回奏言詞多

有不合者此皆彼時太宗文皇帝直指其事明示之旨不便損益相應仍照原本實錄停其更改等因奉旨是依議欽遵在案所有修完太祖太宗聖訓曾經潤色字句與實錄不符今應照實錄詳加校對編輯完日另行進呈至世祖皇帝實錄雖經告竣聖訓未曾編纂今亦應照實錄編輯庶幾三朝聖德神謨垂裕萬世至清宮便殿訓誨之旨悉聽內庭頒發載入實錄聖訓均無庸議又疏稱仰賴我皇上神機獨運削平禍亂宵旰經營永清者定之功理合編輯請祈勅下部院衙門將歷年用兵構案彙纂成書等語查歷代紀載功烈俱有成書唐興元間有紀功述元和間有平蔡錄平淮記會昌間有伐叛記宋建隆間有龍飛日曆天喜間有聖政記熙寧間有經武要略明洪武間將征伐次第禮樂沿革之類彙爲日曆藏之金匱又以日曆人不得見倣貞觀政要分類成編名曰寶訓伏惟我皇上神武廣運八載用兵命將出師坐照機宜指授方略罔不決勝如神大勳用集豐功駿烈遠駕前古從來史冊所未有者應如臺臣所請比年以來凡係用兵詔命密旨征勦機宜始末宣付史館彙輯成書以垂永久

應行事宜恭候命下之日另行具題請旨可也臣等未敢擅便謹題請旨是應
行事宜該部議奏康熙二十一年八月十四日

禮部 尚書 武英殿 大學士 臣覺羅勒德洪

禮部 尚書 武英殿 大學士 加一級 臣明珠

太子太傅 戶部尚書 保和殿 大學士 加三級 臣李蔚

禮部 尚書 保和殿 大學士 加三級 臣王熙

內閣 學士 兼禮部 侍郎 臣石柱

內閣 學士 兼禮部 侍郎 臣達岱

內閣 學士 兼禮部 侍郎 加一二級 臣哈巴喀

內閣 學士 兼禮部 侍郎 臣王守才

經筵 講官 內閣 學士 兼禮部 侍郎 臣張玉書

內閣 學士 兼禮部 侍郎 臣胡簡敬

經筵 日講官 起居注 翰林院 掌院 學士 兼禮部 侍郎 臣牛鈕

經筵日講官起居注翰林院掌院學士兼禮部侍郎臣陳廷敬

日講官起居注侍讀學士加二級臣傅臘塔

日講官起居注侍讀學士加二級加詹事府詹事臣蔣弘道

侍讀學士加二級臣朱之佐

日講官起居注侍讀學士加一級臣常書

侍讀學士加一級臣多奇

日講官起居注侍讀學士加詹事府詹事臣嚴我斯

日講官起居注侍講學士加一級臣孫在豐

日講官起居注侍講學士加一級臣朱馬泰

侍講學士加一級臣盧奇

日講官起居注侍講學士加一級臣葛思泰

日講官起居注侍講學士加二級臣阿山

侍講學士加二級臣祖文謨

康熙朝議修實錄聖訓等事題稿檔 四

禮部尙書武英殿大學士臣覺羅勒德洪等謹題爲請旨事准禮部移文內開該本部題覆禮部尙書武英殿大學士覺羅勒德洪等題前事等因康熙二十一年八月初八日題本月初十日奉旨是應行事宜該部議奏欽此欽遵於本月十一日到部該臣等議得禮部尙書武英殿大學士覺羅勒德洪等疏稱太祖高皇帝實錄未有御製序文及進呈表文凡例目錄至文字等項俱與實錄體式不符茲太宗文皇帝實錄告成進呈御覽一部已經繕完應俟收貯皇史宬及臣衙門庫內二部繕寫完日將太祖高皇帝實錄照太宗文皇帝實錄體式恭加重修等因前來查康熙十二年纂修太宗文皇帝實錄臣部行文欽天監選擇吉期開館纂修照例遣內大臣一員主宴在臣部筵宴一次至於所派監修總裁副總裁官員纂修收掌謄錄官員人役及纂修事宜俱係內閣議覆等因在案今重修太祖高皇帝實錄應俟太宗文皇帝實錄收貯皇史宬及內閣庫內二部繕寫完日臣部將纂修吉期行文欽天監選擇照太宗文皇帝實

錄例纂修及應行典禮亦照纂修太宗文皇帝實錄例舉行可也等因康熙二十一年八月二十四日題本月二十六日奉旨是依議欽此欽遵移文到閣該臣等議得前經臣等以太祖高皇帝實錄內文字等項俱與體式不符俟應貯皇史宬及臣衙門庫內太宗文皇帝實錄二部繕寫完日恭加重修等因具題該禮部具覆疏稱查康熙十二年纂修太宗文皇帝實錄所派監修總裁副總裁諸臣纂修收掌謄錄官員人役及纂修事宜俱經內閣議奏在案今重修太祖高皇帝實錄應照纂修太宗文皇帝實錄纂修等語查聖訓須照實錄纂修今太祖高皇帝聖訓既同時纂修若俟太宗文皇帝實錄二部繕完之後始行纂修太祖高皇帝實錄則聖訓必至遲延應將太宗文皇帝實錄二部一面速催繕完一面擇日纂修太祖高皇帝實錄案查康熙六年纂修世祖章皇帝實錄將大學士班布爾善等列名具題奉旨以班布爾善爲監修總裁官巴泰圖海魏裔介衛周祚李麴爲總裁官特頒勅諭又十二年重修太宗文皇帝實錄將大學士圖海等列名具題奉旨以圖海爲監修總裁官索額圖李麴杜立

德馮溥爲總裁官特頒勅諭欽定之後方擬副總裁學士及纂修以下各官具題今重修太祖高皇帝實錄應候欽定監修總裁官之後恭請頒給勅諭其副總裁纂修以下各官人役及館中應行取用各物聽監修總裁官酌定具題可也爲此列名謹題請旨

四

內閣等衙門禮部尙書武英殿大學士臣覺羅勒德洪等謹題爲實錄業已告成寶訓亟宜修輯益昭列聖之弘模永垂萬世之法守事准禮部移文內開本部題覆前事該臣等議得內閣等衙門大學士覺羅勒德洪等題覆監察御史戴王縉條議內稱修完太祖太宗聖訓曾經潤色字句於實錄不符今應照實錄詳加校對編輯完日另行進呈至世祖章皇帝實錄雖經告竣聖訓未曾編纂今亦應照實錄編輯庶幾三朝聖德神謨垂裕萬世至清宮便殿訓誨之旨悉聽內廷頒發載入實錄聖訓均無庸議等語今世祖章皇帝聖訓照實錄纂修之處俱照內閣纂修太祖太宗聖訓例纂修又疏稱皇上神武廣運八載用

兵命將出師坐照機宜指授方略罔不決勝如神大勦用集豐功駿烈遠駕前古從來史冊所未有者應如臺臣所請比年以來凡係用兵詔命密旨征剿機宜始末宣付史館彙集成書以垂永久應行事宜另行具題等因前來今纂修世祖章皇帝聖訓及皇上神武廣運凡係用兵詔命密旨徵剿機宜始末編輯所派監修總裁副總裁官纂修收掌謄錄官員書辦等役纂修事宜俱聽內閣翰林院議覆其開館吉期臣部由欽天監選擇開館所有監修等官員照纂修太祖太宗聖訓例遣內大臣一員主宴在臣部筵宴一次其桌飯銀兩亦照例所有監修等官員內名數內閣具題到日移咨該部照例給發其月支錢糧暫行停止所派一員內大臣之處交與領侍衛內大臣俟命下遵行可也等因康熙二十一年八月二十九日題九月初三日奉旨纂修太祖太宗世祖三朝聖訓典禮重大筵宴等項俱依議行其編輯朕躬用兵以來所行事宜不必照纂修聖訓例筵宴餘依議欽此欽遵移文到閣案查康熙十年特奉上諭修太祖高皇帝太宗文皇帝聖訓綠頭簽請旨具奏將總裁副總裁纂修等官俱於上

傳定出今重修太祖高皇帝太宗文皇帝聖訓纂修世祖章皇帝聖訓係御史戴王縉奏請臣等會議題覆奉旨允行之事其總裁副總裁不必上傳定出外該臣等會議得先經臣等會同議覆御史戴王縉條奏亟宜修輯寶訓一疏該禮部覆稱重修太祖太宗聖訓纂修世祖章皇帝聖訓暨皇上神武廣運八載用兵機宜始末應派監修總裁副總裁纂修收掌謄錄官員及書辦人役併纂修事宜俱聽內閣翰林院議覆監修等官員照例筵宴一次等因具題奉旨纂修太祖太宗世祖三朝聖訓典禮重大筵宴等項俱依議行其編輯朕躬用兵以來所行事宜不必照纂修聖訓例筵宴餘依議欽此其編輯皇上神武廣運用兵機宜始末見今另疏具題外今重修太祖高皇帝太宗文皇帝聖訓纂修世祖章皇帝聖訓總裁官員應行列名請旨定奪俟欽定總裁之後將應用副總裁以下官員人等及何處開館併應用一切等項酌定具題爲此列名謹題請旨

內閣等衙門禮部尙書武英殿大學士臣覺羅勒德洪等謹題爲實錄業已告成寶訓亟宜修輯益昭列聖之弘模永垂萬世之法守事除禮部題覆前事移文於現在議覆重修太祖高皇帝太宗文皇帝聖訓纂修世祖章皇帝聖訓疏內全列不重開外該臣等會議得先經臣等會同議覆御史戴王縉條奏亟宜修輯寶訓一疏該禮部覆稱編輯皇上神武廣運凡係用兵詔命密旨征剿機宜始末應派監修總裁副總裁纂修收掌謄錄官員及書辦等役纂修事宜俱聽內閣翰林院議覆等語今編輯皇上神武廣運八載用兵機宜始末總裁官員應列名請旨定奪俟欽定總裁之後將應用副總裁以下官員人等及何處開館併應用一切等項酌定具題可也爲此列名謹題請旨

六

康熙二十一年十一月三十日總裁官太子太傅禮部尙書武英殿大學士臣

覺羅勒德洪 明珠 李燾 王熙 黃機 吳正治

學士薩海 阿蘭泰 石柱 達岱 喇巴喀 王守才 金世鑑 張玉書

胡簡敬等奉旨彙纂用兵機宜之書著名爲平定三逆方略

七

監修總裁官太子太傅禮部尙書武英殿大學士臣覺羅勒德洪等謹題爲請
旨事先經臣衙門疏稱重修太祖高皇帝實錄應候欽定監修總裁官之後恭
請頒給勅諭其副總裁纂修官以下官員人等及館中應行取用各物聽監修
總裁官酌定具題等因奉旨勒德洪著爲監修總裁官明珠李蔚王熙黃機吳
正治著爲總裁官餘依議欽此又經臣衙門會同翰林院疏稱重修太祖高皇
帝太宗文皇帝聖訓纂修世祖章皇帝聖訓應俟欽定總裁官之後將應用副
總裁官以下官員人等及何處開館併應行取用各物等項酌定具題等因奉
旨勒德洪明珠李蔚王熙黃機吳正治著爲總裁官餘依議欽此各欽遵在案
查纂修太宗文皇帝實錄曾以學士郭四海穆成格岳甘額庫禮紀振疆王守
才史大成李仙根傅達禮熊賜履爲副總裁官纂修太祖高皇帝太宗文皇帝
聖訓曾以學士哲爾肯哲庫納熊賜履爲副總裁官又查詹事府衙門漢官旣

派纂修實錄聖訓今滿洲詹事職名亦應開列具題該臣等議得重修太祖高皇帝實錄既以臣等爲監修總裁官除照例查寫勅諭移送禮部頒給外今太祖高皇帝實錄應俟禮部將開館日期選擇到日於太宗文皇帝實錄館處開館查太祖高皇帝實錄原用滿字蒙古字漢字三項纂修今重修應行仍用三項文字至聖訓必照實錄纂修太祖高皇帝聖訓俟實錄纂修完日卽應交與纂修實錄滿漢各官纂修其副總裁官係用學士等官應行開列職名恭請欽定應派纂修滿州蒙古漢官十四員收掌官五員謄錄翻譯滿洲蒙古漢字中書筆帖式十八員供事火房門官十二名其裝訂界畫紙匠厨役移文該部衙門各取四名工食戶部照舊例支給除取用箱櫃桌椅等物太宗文皇帝實錄館中見存不取外筆硯紙墨糊麪燭油炭木等物酌量於該部取用俟命下之日派定纂修官員具題可也爲此今將應擬副總裁官員職名開列謹題請旨

內閣學士兼禮部侍郎加三級薩海

內閣學士兼禮部侍郎教習庶吉士阿蘭泰

內閣學士兼禮部侍郎加一級支二品俸石柱

內閣學士兼禮部侍郎加一級支二品俸又加一級達岱

內閣學士兼禮部侍郎加二級支一品俸又加一級喇巴喀

內閣學士兼禮部侍郎加一級支二品俸又加一級喇巴喀

內閣學士兼禮部侍郎加一級支二品俸又加一級喇巴喀

內閣學士兼禮部侍郎加一級支二品俸胡簡敬

內閣學士兼禮部侍郎加一級支二品俸牛鈕

經筵日講官起居注翰林院掌院學士兼禮部侍郎陳廷敬

經筵講官詹事府詹事加一級支二品俸圖納

日講官起居注詹事府詹事兼翰林院掌院學士加禮部侍郎加一級沈筌

康熙二十一年十二月 日

監修總裁太子太傅禮部尚書武英殿大學士臣覺羅勒德洪

總裁官太子太傅禮部尚書臣明珠

總裁官太子太傅禮部尚書武英殿大學士臣覺羅勒德洪等謹題為實錄業

總裁官禮部尚書保和殿大學士加三級臣王熙

總裁官吏部尚書文華殿大學士臣黃機

總裁官禮部尚書武英殿大學士加二級臣吳正治

八

總裁官太子太傅禮部尚書武英殿大學士臣覺羅勒德洪等謹題為實錄業已告成寶訓亟宜修輯益昭列聖之弘模永乘萬世之法守事先經臣等會同翰林院疏稱重修太祖高皇帝太宗文皇帝聖訓纂修世祖章皇帝聖訓俟欽定總裁官之後將應用副總裁官以下官員人等及何處開館併行取應用各物等項酌定具題等因奉旨勒德洪明珠李燾王熙黃機吳正治著為總裁官餘依議欽此欽遵在案該臣等議得纂修太祖高皇帝聖訓另疏題請外今太宗文皇帝世祖章皇帝聖訓應俟禮部將開館日期選擇到日於起居注衙門迤北前修聖訓羣房處開館其副總裁官係用學士等官應行開列職名恭請

欽定應派纂修滿漢官十八員收掌官六員謄錄翻譯滿漢字中書筆帖式二十四員供事火房門官十四名其裝訂界畫紙匠厨役移文該部衙門各取六名伊等工食戶部照舊例支給筆硯紙墨桌椅箱櫃杌櫈子火盆糊麪燭油炭木等物酌量於該部取用俟命下之日派定纂修官員具題可也爲此今將應擬副總裁官員職名開列謹題請旨

內閣學士兼禮部侍郎加三級薩海

內閣學士兼禮部侍郎教習庶吉士阿蘭泰

內閣學士兼禮部侍郎加一級支二品俸石柱

內閣學士兼禮部侍郎加一級支二品俸又加一級達岱

內閣學士兼禮部侍郎加二級支一品俸又加一級喇巴喀

內閣學士兼禮部侍郎加二級支一品俸又加一級喇巴喀

內閣學士兼禮部侍郎加二級支一品俸又加一級喇巴喀

內閣學士兼禮部侍郎加一級支二品俸胡簡敬

內閣學士兼禮部侍郎加一級支二品俸胡簡敬

內閣學士兼禮部侍郎加一級支二品俸胡簡敬

內閣學士兼禮部侍郎加一級支二品俸胡簡敬

內閣學士兼禮部侍郎加一級支二品俸胡簡敬

經筵日講官起居注翰林院掌院學士兼禮部侍郎加一級支二品俸牛鈕

經筵日講官起居注翰林院掌院學士兼禮部侍郎陳廷敬

經筵講官詹事府詹事加一級支二品俸圖納

日講官起居注詹事府詹事兼翰林院讀學士加禮部侍郎加一級沈筌

康熙二十一年十二月 日

總裁官太子太傅禮部尚書武英殿大學士臣覺羅勒德洪

總裁官英殿大學士加禮部尚書臣明珠

總裁官太子太師戶部尚書臣李燾

總裁官禮部尚書保和殿大學士加三級臣王熙

總裁官吏部尚書文華殿大學士臣黃機

總裁官禮部尚書武英殿大學士加二級臣吳正治

九

總裁官太子太傅禮部尚書武英殿大學士臣覺羅勒德洪等謹題為實錄業

已告成寶訓亟宜修輯益昭列聖之弘模永垂萬世之法守事先經臣等會同翰林院疏稱編輯皇上神武廣運八載用兵機宜始末候欽定總裁官之後將應用副總裁官以下官員人等及何處開館并應行取用各物等項酌定具題等因奉旨勒德洪明珠李燾王熙黃機吳正治著爲總裁官餘依議又臣等以編輯用兵機宜書名請旨奉旨著名平定□□□□此該臣等□得編輯平定三逆方略應俟禮部將開館日期選擇到日於雍和門迤北羣房處開館其副總裁官係用學士等官應行開列職名恭請欽定應派纂修滿漢官二十員收掌官六員謄錄翻譯滿漢字中書筆帖式二十八員供事火房門官十六員其裝訂界畫紙匠厨役移文該部衙門各取六名伊等工食戶部照舊例支給筆硯紙墨棹椅箱櫃杌檯子火盆糊麵燭油炭木等物酌量於該部取用俟命下之日派定纂修官員具題至派纂修太祖高皇帝實錄聖訓太宗文皇帝世祖章皇帝聖訓皇上平定三逆方略三館官員人役如或不敷另行具題請旨可也爲此今將應擬副總裁官員職名開列謹題請旨

內閣學士兼禮部侍郎加三級薩海

內閣學士兼禮部侍郎教習庶吉士阿蘭泰

內閣學士兼禮部侍郎加一級支二品俸石柱

內閣學士兼禮部侍郎加一級支二品俸又加一級達岱

內閣學士兼禮部侍郎加二級支一品俸又加一級喇巴喀

內閣學士兼禮部侍郎加二級支一品俸又加一級喇巴喀

內閣學士兼禮部侍郎加一級支二品俸胡簡敬

內閣學士兼禮部侍郎加一級支二品俸胡簡敬

內閣學士兼禮部侍郎加一級支二品俸牛鈕

內閣學士兼禮部侍郎加一級支二品俸牛鈕

內閣學士兼禮部侍郎加一級支二品俸圖納

內閣學士兼禮部侍郎加一級支二品俸圖納

內閣學士兼禮部侍郎加一級支二品俸圖納

康熙二十一年十二月 日

總裁官太子太傅禮部尚書武英殿大學士臣覺羅勒德洪

書武英殿太子太傅禮部尚書臣明 珠

書保和殿太子太師戶部尚書臣李 蔚

總裁官禮部尚書保和殿大學士加三級臣王 熙

總裁官吏部尚書文華殿大學士臣黃 機

總裁官禮部尚書武英殿大學士加二級臣吳 正 治

刑科奏章文冊 內閣大庫檔

本編第四輯曾發表吏科奏章文冊一卷，今於刑科奏章中選錄數則，刊布於此。

刑科右給事中臣張爲赤謹題爲致貪之源有自釐弊之法宜嚴謹詳悉上陳仰祈天語加飭以釐積弊以除民害事臣草野新進三月戶曹蒙恩拔置禮垣感激矢報惟言是視竊念吏治汚隆係乎官守之貪廉而大法小廉身任察吏安民者首重督撫皇上諄諄嚴飭至再至三誠探本澄源之至要也顧督撫豈盡不肖不愛功名不愛身命妻子以捍法網且與府州縣勢位懸絕亦不便與吏覲面索賄府縣雖工逢迎亦不敢公行餽遺雖有掌案稿房二役大半司道府廳積蠹平日侵糧過付撥官害民一時敗露遂鑽營竄身名曰躲雨每一項首價值七八千金此外引見酒席之費不下千金往往三四人朋充甚而有揭營債以買充者嗟乎此輩費本既重非有倍利何樂爲此每季輒告假出院更換下首輪值一人在內數人在外在內者串通後司相公在外者招搖兜攬若包准詞狀則不由日期批發某衙門預擬批語絲毫不爽若係欵件則詳允免

駁若係行查錢糧朦朧捺閣其私通關節或由送廩給夾帶或由水桶夾帶名曰放箭凡下屬之舉動督撫之意旨線索互通以故府縣敬之若神互認師生乞恩講情無求不允甚有府縣官偶有差悞蠹輩揚言督撫卽要題參恣意恐嚇隨串通打合動稱代爲餽官必數千金甚有一時懼禍那借庫銀應命在受者旣秘密不言卽與者方幸彌縫之巧誰敢洩露于人是真是假孰能辯之且一蠹之下又有虎翼數十人或係司道積蠹或係地方惡棍有司若與齟齬輒授意此輩羅織列款借名條陳往督撫衙門控告各蠹在內票准票提株累多人有司吹索難堪必至求央而後已且聞每年歲終督撫衙門書辦進見臬司必後堂留茶立飲一杯各送銀二十四兩堂堂臬司尙且如此有司敢不畏之如虎乎督撫之不肖者旣已受其籠絡聽其穿鼻卽有賢者一人之耳目有限豈能盡察其鬼蜮且其爲役各照府分設如臣省十一郡則設十一人每一人有正有副合正副共二十二人合督撫兩衙門則正副共四十四人矣每一項首約費萬金合計其費共四十四萬則此輩之所以取償者當必稱是嗟乎一

省之膏脂有限豈堪若輩之啖嚼取之民固病民取之官亦病民也所以地方有司初或潔己自愛無奈爲彼勒索驅而改節督撫代爲受玷受過而不悟也臣以爲督撫按俱係風憲衙門事同一體查憲臣魏裔介條陳巡方規則禁用積年胥役吊各府書吏偷或文移舊例不諳止許按臣自帶經承文卷書吏三名仍不許借端多帶人役奉旨遵行在案臣請自今以後嚴勅各省督撫痛革積役頂首照巡方事例止行文各府選送書辦嚴加考取調府分派一役辦事一任一入不許復出一出不許復入如有潛歸招搖等弊許諸人首發審實重處則關防稍嚴人心知警且彼原未常有費則自不敢厚取償於人也臣又思臬司爲風憲之官職掌欽件刑獄重情應如何關防乃外道尙將吏書封鎖嚴愆而臬司六房書吏盡在兩廊大小謝牘盡歸私室竟有已革之役猶潛在招搖攬事打點名曰包管此等大弊大約江浙爲尤甚臣請皇上并勅該部將臬司書吏與撫按一體革換一體關防如此則蠹風稍息矣臣知此等皆相沿積弊牢不可破但念我皇上英明赫濯何好不燭何弊不除督撫與書辦非親非

故何苦捨身狗庇向因不知被其朦蔽受其污蟻今既洞然明徹諒必痛心疾首奮發剪除倘仍因循狗庇仍沿頂首名去實存是真甘爲不肖畜此鷹犬以爲魚獵之計許臣等科道衙門不時據實指參仰候皇上立置重典仍祈特賜天語嚴飭以戒將來弊源庶可絕乎臣因積弊起見字稍逾格如果臣言不謬伏乞勅部議覆施行爲此具本謹題請旨順治十六年閏三月二十八日題於四月初五日奉旨這奏內情弊著嚴察議奏吏部知道

刑科右給事中臣張爲赤謹題爲直糾道臣狗縱署官婪贓壞法請勅部嚴加察究以儆官邪以安民命事竊惟監司爲郡縣之表率糧道尤民命之攸關所賴鋤奸祛蠹徹底澄清方得民安吏肅乃有蘇松常鎮督糧道參議今裁缺石在閩其人者縱貪庇蠹貓鼠同眠一任署縣廳官肆行穢劣豈可一日姑容民上貽害地方哉如常州府通判王天縱委署金壇縣印透發工食則剋扣多金與積蠹虞錫禎孫承緒上下分肥追比侵欺則私受賄賂令奸胥祁文孫虞錫禎等脫然免比以至庇惡蠹孫承緒兩次之訪拿置訪單贓私千金于不問其

貪婪無檢情甚昭彰尤可異者私徵加派屢奉嚴諭乃該縣惡蠹祁文孫虞錫禎等於順治十四年十五年借漕私徵每石派銀四分名曰上司本縣公費又每石派銀三分名曰大送官派銀一分名曰小送官又糧書每石派銀一分五釐開倉樣米每石八錢五分糧快每里東道銀一兩二錢老人每石米二升銀二分名曰糧衙額規且該縣揚倉米額編條銀十四年已徵過一千七百餘兩後又重複加徵每畝多徵五合雜糧本色已完復重徵折色是一徭而三徵矣至鳳淮揚及鎮江府米折並餘剩充餉銀共三千八百四十餘兩因旱災蒙恩蠲免該縣於十年先已徵足批僉祁文孫溢解各府流抵十一年正項訖乃祁文孫虞錫禎等於十一年復炤常另徵將全櫃拆用獨不思蠲有明條解有批卷民有完單乎似此悖旨侵糧蠹漕悞國在署事王天縱狼籍性成與各蠹同心一氣固已罪在必懲但思郡縣事關漕務必稟於糧道况其所謂上司公費及大送官名色必借私餽糧道以爲名使在闔與貪官蠹役素絕苞苴則事前苟無餽送使費之事該縣何敢借名私徵事後既有重徵濫派之奸在闔何無

覺察開報身爲理漕之官而聽署官與蠹吏狐鼠朋奸蠹壞漕務一至於此臣不敢以旣經總漕臣因悞漕糾參見在奉旨議處而遂爲該道寬也伏乞皇上勅部嚴加察處將署事通判王天縱褫革併蠹役究擬併察該道狗庇緣由其間染指烹肥因而故縱委曲情弊務須直窮到底從重處分庶漕蠹清而國儲可裕貪風息而吏治加嚴矣如果臣言不謬請乞勅部嚴察施行爲此具本謹題請旨順治十六年五月十三日題於本月二十二日奉旨這所參事情著嚴察議奏該部知道

刑科右給事中臣張爲赤謹題爲憲臣緣事潛京踪跡可疑原任大開私竇昭彰難掩謹據實糾參懇敕勒回原籍聽該撫按一併嚴察以絕打點之私以正婪縱之罪事竊爲臬司一官上奉欽件下勵官方係通省之刑名關一方之法紀居斯位者若不律已端廉稍有私門可進卽恐鑽營兢起顛倒刑章夫賄賂詐贓罪在不赦從來不肖之輩每巧借線索之私門行其貪婪之實事到任未久而原籍族屬叔侄子弟借名經過接踵而來且不入內衙送寓寺院招搖納

賄與本官平半均分凡人命強盜以及欵件重情無路可通者必由此盈千累百有求立應不知者僅以爲情面之最親而知者早窺爲暮夜之捷徑也如原任浙江按察司使陞任都察院左副都御史今解任候勘之錢朝鼎有可異者朝鼎前任粵東學道聞其婪資鉅萬遂躡躋臬司及到浙未久親族絡繹奔走以臣所知則伊叔原任廣西學道錢王任隨至杭州省城送寓昭慶寺招搖講情其門如市中間納賄關通事情曖昧臣亦不能備知但王任倚伊侄之聲勢廣攬交遊鬪動通國甚至久戀忘歸去年五月間竟卒于寺寓朝鼎顯爲治喪經理合省昭然惟時臣尙在里門事屬目覩夫臬司風憲衙門關防理宜嚴愆以叔侄之親卽有萬不得已事經過所屬地方亦當潛隱踪跡遠避嫌疑况王任至杭何事不過借進香遊湖之名爲抽豐肥橐之舉乃顧赫奕昭彰甚且久居不去倘加嚴究必有交通線索之私而就事以觀亦難辭關防踈縱之罪矣且朝鼎已陞副憲以承問原任學道張安茂一案參款盡付子虛因奉有朝鼎有無徇私也著嚴察議奏之旨批駁撫按另審遂爾解任候勘顧朝鼎方躡內

陞患失之情必切雖事屬他人而勢均成敗其百計求全以祈無失故物必有拾倍于安茂者矣夫部覆云朝鼎俟張安茂事結靜聽察議又云必俟原案事結果無違碍方准赴任是原不令其在京觀望也胡爲朝鼎既不赴原任又不回原籍揣其意一則以在內窺伺易于打點鑽營一則以留任京師猶然挾一副憲之勢可以遙制在外撫按使其畏懼而不敢盡法研鞠且臣伏見朝鼎於去年九月初十日到京未經見朝卽於暮夜私乘肩輿遍城拜客其鑽謀伎倆素熟且工是時臣寓與之切鄰目擊甚確今雖解任閒居事聽撫按覆勘而朝鼎身留京師與安茂一內一外互相照應竭兩人之情面物力分頭謀幹何求不得臣請皇上敕令回籍毋許潛住京邸希圖營脫至日前王任在浙招搖久住關通情節請乞勅下該撫按一併嚴察要見王任果否久居湖上朝鼎果否親爲治喪其間納賄講情有無實跡則朝鼎非婪卽縱罪復何辭察實處分以爲臬司關防不謹者之戒臣職司糾彈不避嫌怨如果葑菲可採伏乞皇上嚴勅施行爲此具本謹題請旨順治十六年五月十三日題本月二十日奉旨這

所參事情著嚴察議奏該部知道

刑科右給事中臣張爲赤謹題懇查斥弁留駐地方勒歸原籍以靖盜源以銷
隱患事竊惟朝廷設官分職文武壹體凡外任文官或陞或斥卽離任所獨武
弁壹途旣經廢斥往往留駐地方大爲民害蓋此輩蓄有家丁馬匹弓甲器械
其平日頤指害民無不畏其積威故戀不能舍潛住地方或盤放營債苛索重
利佔人妻女踞人房產者有之或販賣私鹽械船出入妨梗國課印捕官不敢
過而問者有之或賣緣委署以復燃之灰磨牙吮血之地者有之或縱容家丁
爲盜沿村劫掠使民臥不貼席者有之甚至東南一帶暗通湖海劇寇陰爲線
索勾引入犯者有之在見任武弁尙有主將可以鉗束撫按得而糾劾彼則冊
籍無名官評不及自民視之儼然一官長也受其荼毒無不忍氣而吞聲在地
方官視之彼亦寄居浮戶也欲事糾彈亦且鞭長而不及計天下之凡爲若輩
者不知凡幾壹廢弁之下爲家丁爲僕從者又不知凡幾萬壹日久變生因緣
株蔓其害有不可勝言者臣以爲此輩出身旗下者罷官之後自應歸旗當差

出身各直省者罷官之後亦應回籍歸農豈可逍遙異地以不官不民之身為
且宦且盜之行乎伏乞皇上勅下該部嚴行督撫鎮道着府州縣行查如有前
項廢弁兵丁非係土著者卽行驅逐出境仍具境內並無容隱異方廢弁印結
存案若狗庇不舉許各衙門不時糾參如此則隱憂銷而地方可以寧謐亦未
兩綢繆之壹說也爲此具本謹題請旨順治十七年四月初四日題本月十五
日奉旨該部嚴察議奏

光緒十年中法交涉電報檔 軍機處檔

民國二十一年，本館曾以軍機處檔案輯印光緒朝中法交涉史料，僅編至十年六月，現整理軍機處檔案，檢得電報檔一冊，每件標題之下，均註八月某日，而不紀年，查其內容，皆關係中法越南戰役之疆臣來電，當係光緒十年之事，茲先在本刊發表，將來續輯中法交涉史料時，容再據以編入。

北洋大臣來電 八月初二日

密頃粵西潘撫廿七來電岑彥帥續函十二日下保勝即派六千人同劉團二千督率黃守忠往攻宣光克後即紮屯鶴關兩岸合粵軍進太原永祥以規北甯惟欠餉兩月事事掣肘請爲轉電云乞代奏催撥餉鴻宋

彭尙書張總督來電 八月初四日

密壯潘上月十六駐諒山岑駐保勝遣將會劉永福攻宣光興化以瘴盛糧乏餉欠爲難前蒙賞永福提督必奮勉惟永福一人蒙恩部下未與若黃守忠等屢戰功多永福深倚擬請敕永福酌保部下將弁准請總兵以下二三十人擇

尤附電代奏庶可共奮越官黃廷經現收衆自保可否敕潘查詢如願爲華官亦懇恩施再越王於閏五月又爲其下所醜謹附陳祈代奏請旨玉麟之洞同肅朔

南洋來電 八月初五日

密號初次渡台之勇尙未接到台之信二次英商祇來一小船云只能裝四百人均要裝作皂姓其鎗砲軍火藏于煤米之內訂初二夜到江陰今下午却尙無電信來未知成行否據龔照璣電稟此次所費船價極多勇丁受償不少但祝于次日可到則三次四次方可照辦援閩之恪靖四營初二均到湖口楊昌濬初一到下關初二三配齊親兵六百人軍器子藥昌濬初四坐小輪船啟行其親兵俟今夜輪船到明早開行與英商訂定歇大砲八尊外馬梯呢鎗二千桿子五百萬大砲勢難提前趕辦合先電呈以備查考荃

閩省督撫等來電 八月初六日

密臺北初十一法與我軍接仗後十五一船駛往滬尾旋駛去滬口已塞十

八以後未聞法泊福州外七船近有初四五乘潮由梅花港直犯閩安攻長門
擾馬尾林浦之說梅花港現極力布置林浦塞港將此竣工復撥時道明亮一
營與沈鎮茂勝營相犄角省防兵單惟盼援師速來環棟肅微

南洋來電 八月初八日

密號頃接龔照瑗滬電頭次裝送渡台之勇初二早到淡水平安無恙初三夜
丑刻船到江陰續送二批渡臺初四滿載開行靜俟再有船到即可裝送第三
四批也此次費極重之船價勇丁受商輪鞭笞之辱劉朝祐已有千人及多項
軍火到淡水足令稍慰惟江南爲援臺援閩所費不貲餉項益絀耳四營赴閩
已報初三四五自湖口啟行唐定奎昨今見面且須兩人扶掖尙能行走頃赴
江陰理合電早以備查考荃

南洋大臣來電 八月初十日

密號頃接張景春來電威犇列春夜到江陰裝齊勇丁軍火初十已刻開行此
渡臺之第三批也據云再到一船下批可盡數前去理合電請代奏仰慰聖懷

荃電呈

北洋來電 八月十一日

密頃接李丹崖初十來電昨法會議飭孤拔聚全力于基隆依山建壘意存久佔又前畢相願調停令外部邀苞與法使不期而會法使云一須華兵永不出界不提屬國二須佔臺灣等一處或現償法使去外部云償恐不允應電告苞謂戰志已決不便告云外部催復乞轉云鴻真

北洋來電 八月十一日

密香濤初九來電法造船廿五僱人五千查不確法近年常在港造小輪皆赴越前月在港買兩小輪赴閩聞有粵民受僱登舟剪髮故罕往投在越僱客匪教民尙未齊西報法增兵船三艘將到華共二千數百名西人密告內一船載挖煤機器注意基隆得煤久駐再圖分擾港船七日內陸續皆赴閩其受傷鐵甲未修竣亦行云幼樵初九十來電閩尙無警或將北駛鴻真

北洋來電 八月十二日

密頃閩電局初十來電密探得法船多集閩口候調兵齊卽極力攻打臺灣劉督辦勢成孤注請岑潘兩帥進兵以分敵勢等語昨接潘撫電報岑自八寨患病七月廿三始行劉永福謂紅河水大民船不敵輪船請緩替王德榜十營同唐景崧四營由高平規太原擬交岑就近調度是越境各軍進不得速聞法有分軍抄我後路之說鴻真

福州將軍等來電 八月十四日

密法船泊口外陸續增至十四艘或云俟大潮由梅花港內犯或云俟茶市畢內犯又聞法在香港造小輪廿五隻號衣六千件限中秋交齊粵督電法增兵船三共兵二千七百其一載掘煤機器又電西人言法確於兩日內攻福州各口等語惟策勵諸軍嚴備謹電聞善等肅元

南洋大臣來電 八月十六日

密號頃據江陰張景春十五日電稱威利船所裝第三批渡臺之勇延於本日由其原船載回江陰春已飭令登岸駐紮以備汎守等語理合電呈以備查考

荃

北洋來電 八月十七日

密頃潘琴軒十二來電旨飭聯黃廷經此人專打教民見法卽逃僅二三百游勇常爲教民所敗現與韋文爲謝現阮善均在藪圩許以立功請獎岑帥函稱唐營由牧鏗恐道阻難進劉永福稟水大糧乏餉銀久闕藉詞遷延復使覃修綱往勸如再不行卽令覃營先進以免居奇等語人情避難就易異地用將殊費駕馭云鴻銑

北洋來電 八月十七日

密頃上海邵電稱英人格蘭言華安已放回勇械均無恙惟不許赴臺又大東公司云雞籠鑿戰兩日已爲法踞兩信似不甚確續探再稟德崔林云法調到陸兵二千四百連水師登岸計四千餘台軍恐不敵鴻銑

北洋來電 八月十七日

密頃雲督岑由龍州轉電稱奉旨速進並飭劉永福決戰劉稟法教二千餘人

七紮館司關宣光三諒江亦有輪船民船難去陸路多淹求緩期英已派覃修綱等十營會同問道出奇又派五營同黃守忠攻宣光現駐保勝後山箐俟瘴滅督雲勇繼進請總署代奏等因鴻霽

北洋大臣來電 八月十八日

密上海邵龔道本日電稱十五法只佔基隆東北石寮島基隆未失轟淡水塞口亦未進卽刻保險行允借海利輪往探五日取回信來又滬電局接福局辰正來電據長門報十七下午五點川茆山外來法船十八號想台北未得手故復來云合兩電觀之似台北無恙鴻嘯

北洋來電 八月十九日

密龍州轉雲督岑來電七月十七奉旨傳知劉永福趕緊督軍進取英屢次行催劉藉詞求緩現館司關已爲法據英卽親到文盤州督軍設法攻取劉餉已給萬五千金不運糧藥未誤請總署代奏云又桂撫潘十七來電接岑函瘴病傷慘曷忍驅迫卽親赴前敵虎無爪牙擬先破館司惟事多掣肘能否如願等

語此間周壽昌方友升進郎甲法新在茶埠築壘迎拒諒江亦停輪脫臺河內
北甯均增兵添輪惟我軍病亡不止焦急萬分新亦染瘴支持云鴻皓

北洋大臣電 八月十九日

密粵局十八接港電云法人已奪取基隆又欲攻淡水即往海南未知確否鴻
皓

北洋來電 八月二十日

密頃上海邵道來電據法繙譯于雅樂云基隆確於十四被法陸兵二千登岸
佔踞淡水昨晚開仗尙無信云鴻號

南洋大臣來電 八月二十一日

密號八月廿一子刻復接廈門來報云十二基阜法船十一艘十三卯刻法兵
千人登岸接仗戰至酉雖無勝負然死亡甚多滬尾到法船五隻攻燬礮台兵
單告急當棄基拔隊回援保後路華安船到均新召不能來危急萬分請電總
署云理合電呈荃轉電

南洋來電 八月二十一日

密號八月二十夜戌刻接廈門來報云法兵一千七百人帶機器掘煤礦由滬尾攻城並募土勇剪髮爲兵府城危在旦夕請電總署云理合電呈荃轉電

北洋大臣電 八月二十一日

密頃接廈門轉劉銘傳十五來電十二基隆到船法十一艘十三卯初法兵千人登岸接仗戀戰至酉傷亡甚多滬尾又到法船五艘攻毀礮臺兵單告急當棄基拔隊回援保後路危急萬分請轉總署云又十七來電淮勇到臺僅六百法陸兵二千七百人帶機器掘煤言由滬尾攻城並募土勇剪髮爲兵臺北府城危旦夕請轉電總署云該提都親軍太單臺營多不得力孤懸海外無法救援徒爲焦危乞代奏鴻號

北洋來電 八月二十一日

密頃滬電局來電申滬報館同接廈門電孤拔駐基省帥已退淡水自十四至廿砲未絕台均燬華軍入壘堅守云又上海邵道本日來電頃探巴接孤電利

士比於十六據淡水云鴻箇午

北洋大臣來電 八月二十一日

密頃桂撫潘琴軒十七由龍州轉電台北喫重此間一軍前進恐不足牽制法方於河內北甯增兵迎拒西貢萬難驟達十四日蘇元春攻克陸岸縣據報奪礮台二座沈輪船一隻傷法匪八九十名收降教村廿餘我勇陣亡十三傷廿六營官遊擊陳桂林重傷請優獎隔江孤城兵分愈單且臨江受敵南官咸請平毀周方二軍在郎甲行隊至諒江尙未得手攻堅不易唐已開赴牢馬擬往蘇街王函稱同行擁擠稍緩時日云鴻箇

北洋大臣來電 八月二十三日

密頃粵西潘撫來電十八日法船六隻由三江口上駛與蘇軍接仗先焚受撫教村旋有一千三百餘兵口岸排隊鏖戰再時日暮收隊法船排列對江我軍將弁傷亡五十餘人法有兵頭以鞭指揮中礮倒地搶屍而回彼以船來槍礮易運現調諒山挑隊往援云鴻漾

粵督來電 八月二十三日

密壯法踞雞籠劉守淡水南北洋當已奏聞兩奉電旨接濟遵已赴港設法難在海梗必當力籌妥再具奏竊謂台事孤危外援難往惟有以民守臺臺地戶士銀米皆不缺惟缺軍火向多富戶豪民台北林姓曾集團萬餘助戰此時雞籠之寇宜急圖攻逐勿令久踞取煤兵力不敷可否仰懇聖恩勅台灣紳民如有能起義糾衆逐法人勸闔境者封以五等之爵團勇仍予優保重賞所費口糧立功後報明補發捐餉者減成從優給獎成功後並免台地蠲糧一年若台民併力當可驅法團雖遜於兵勇取其勢衆洋兵最患夜戰不得眠息若分爲十餘起分路更番日夜擾敵疲其兵力耗其子藥數日法必困官軍乘乏然後可勝並祈勅諭台灣鎮道分投籌辦事亟至此非破格爵賞不能鼓衆心破強敵果能成功豈在黃梧施琅李長庚諸人下此皆閩台成案祈聖裁速行台防幸甚請代奏之洞肅養

福州來電 八月二十三日

密買雅格致環函十二雞籠失十三法攻淡水砲台無人等語云英船觀戰回廈之信不知確否環棟綸

南洋來電 八月二十四日

密號刻接邵道電稱楊岳自廈門來據稱十四法兵在基隆登岸我兵約二百病不能逃而死者約三百法兵傷二十餘省帥退回淡水十七夜我兵鼓氣五路兜剿斃法兵五百餘溺水死者無算投誠者數百奪大砲八尊鎗約三千桿我兵傷六十此時專盼援兵協以足用等語電報局稱福州廈門香港電線同時並斷恐係法人詭計張守志鈞稱法酋語言閃爍神氣沮喪必受大挫云龔道何時來滬盼甚等語未知確否荃轉電廿四寄

滬局來電 八月二十四日

台員到滬云十二三四基隆淡水以空砲台誘敵猛攻一晝夜獲砲子萬顆十四法軍二千登基隆兵已五路預伏黑夜合圍殺法兵漢奸千人獲大砲九尊洋槍二千餘桿適自運軍裝亦到械足備單專望濟師法船現在基隆九隻淡

水六隻廿四探員滬局稟同日亥正京洋來電同上

南洋會辦來電 八月二十四日

邵電云台委員到滬述十七復基隆法兵死五百餘降數百得大砲八尊槍約三千桿探聞法借僱工爲名誘土人以利到船則逼之剪髮易衣驅爲前敵此次基隆殺者降者多此輩祈請飭沿海剴切曉諭土民引以爲戒勿受敵誘探敬

徐承祖來電 八月二十四日

承祖於廿五日自寧赴申由海道北上

北洋大臣來電 八月二十五日

密頃廣西潘撫廿一來電越中法兵專注粵軍十四十八十九等日蘇軍連獲大捷法人百計圍攻均被擊退惟傷亡將弁八十餘其分統總兵陳嘉尤爲出力受傷無碍請優獎廿日法由諒江往攻郎甲方友升周壽昌病勇太多致有傷損方友升重傷周部營官陣亡一員弁勇再查現駐屯牙觀音橋俟岑劉王

唐齊進較爲省力頃探法由廣安到新街欲抄那陽後路擬以淮軍當之西電
法人七路並進誠然云云鴻敬

北洋大臣來電 八月二十五日

密頃廣西潘撫廿三來電法人志在必得台灣與越境此間蘇雖連接法總未
退情形甚緊蘇眞健將若法再加兵支持不易粵餉一缺卽成徒手方周退守
觀音橋其材力去蘇遠甚法兵每戰不過千餘槍砲之利我軍四五千當之猶
覺喫力瘴染少兵道阻少械地瘠少糧內地所無王德榜軍尙在龍州催
調未往云鴻有

南洋大臣來電 八月二十六日

密號廿六寅刻接廈門轉電云二十日法登岸儘力猛擊滬尾經孫開華等擊
敗非常鑿戰法死二三百人陣斬二十五名我軍傷亡百餘人將士露宿十餘
日傷亡愈多勇士愈少南路土匪蠢動運道梗塞無錢無援台局不堪設想滬
泊法船八艘基泊五艘俯山頂並築營壘聲言報復危在旦夕請轉電總署北

洋云荃轉電

北洋大臣來電 八月二十七日

密頃廣西潘撫廿四來電蘇軍自十八日接仗獲勝直至廿二日無日不戰無戰不勝法以象架砲前冲被陸嘉轟死斬三晝兵頭首送驗連日殺賊甚多我軍傷亡不少酣戰五日甚至短兵相接十八廿二最爲惡戰惜觀音橋僅自守淮軍分戰那陽病勇甚多未能全力往勦法人未退此三路皆極危險各軍未進法以全力注我蘇軍雖勝而傷亡多恐難久持一動則諒山可危現催王德榜由龍州來助云鴻宥

北洋大臣來電 八月二十七日

密頃接滬局報云據申滬報館接厦電廿日法兵五百在淡水登岸攻四鐘點敗逃入艇觀覆楮多兵頭爲華兵梟示華兵亦傷二百云鴻沁

閩督楊來電 八月二十八日

昌濬於前月廿七日起程八月初一日抵金陵與江督晤商一切業經先後電

達代奏在案初四日由金陵下關展輪初八日抵湖口縣隨集易民船至餘干進小河因灘高水淺十九日始抵鉛山縣峽之河口舍舟登陸今日行抵建甯府城擬至延平小住一二日俟各營隊伍調將到齊即行前進九月初可到福州省城合先電請代奏以慰宸厪昌濬叩

陳會辦來電 八月二十九日

密援臺兵僅有淮軍千人楊岳斌到閩需時法若增兵我仍單薄聯廈門吳鴻源新招漳泉勇約千人若籌給軍火設法渡臺既爲徑捷且習水土並可聯絡紳民廣募土著廈防固重然臺孤懸敵專注廈挫猶易赴援臺淪不堪設想故思先其所急可否傳諭彭楚漢斟酌行之又淡水林紳屢捐巨款丁日昌曾許其永不派捐而地方官猶時時抑勒第該紳急公而畏官查有曾充日本領事之劉壽鏗現館其家俠烈有智如蒙優旨激勵該紳並令劉助其調度聯絡與官軍合力禦侮當能有益統備採擇琛儉

北洋大臣來電 八月二十九日

頃接倫敦本日電報法議院會議廷臣開具節略請下議院允支東京用項一千八十萬佛郎云鴻豔

南洋大臣來電 八月三十日

密號三十寅刻接福州電云廿五申刻福星輪船由淡水來廈門帶到劉省三孫庚堂開華函二十有法船八隻至滬尾用小船數十隻載千餘人登岸自辰至午猛戰三時之久法寇敗我軍銳氣更壯陣斃四道金畫匪二名斬馘甚多奪獲格林砲數尊退至海邊法寇爭上小船被風折者四隻均溺是役也法寇傷亡約五六百人官軍傷亡二百餘人惟基被佔踞尙未收復現海龍船廿八往淡水已專人採探約初三四還廈門容再申聞等語荃轉電

日北春野華人爲對餘匪三四番圍門容再申國宰都老樹事

獨之匪五六百人官軍勦之有餘人於港爲台觀倫未覺驚與賊相擊其人
率遊得林多獲章聖全彰德縣守年五小孫楚風香密建厚兩呈好由起發
至之意得王德志大恐聖乘好軍餘乘其報訓謹因敵受登聖三冷薄趨其志
蒸夷堂兩華函三直慈德天使聖斯風出少故楚中聖寫子倫人登機自視
書聲三十寶際對臨惟勤注甘所中康福具神誠由是來聖出帶隨隨隨
二 南有火燭來源大日也十有餘年其後其後其後其後其後其後其後其後
千八千有餘職及德誠

形對論譯本且能勝地國通會聖區臣開具證察需不願詞成支東東俱一

奏報米價並進晴雨錄摺 康熙五十七年四月二十五日

奴才李煦跪奏竊奴才於四月二十日到揚州巡鹽衙門知江南場時若二麥茂盛現將收穫至於米價上號不出一兩次號不出九錢萬民並皆樂業今年奴才蘇州種御稻八十畝已於三月二十日穀雨前插秧其續奉發香稻亦如法插秧矣至奴才巡鹽衙門凡催課督捆諸事現在舉行所有蘇州揚州三月晴雨錄附摺恭進伏乞睿鑒康熙五十七年四月二十五日

奏請節哀摺 康熙五十七年四月二十五日

奴才李煦跪奏竊我萬歲大孝性成因皇太后上賓孝心迫切非常慘痛以致違和聖體未能卽安奴才望見天顏瘦減旁皇踧踖非言可喻今四月初七日皇太后梓宮旣經安葬山陵則我萬歲之孝道已盡伏乞聖心仰體皇太后在天之靈俯慰四海臣民之望節哀頤養俾聖躬之萬安此受恩犬馬所望闕叩求者也伏祈慈鑒奴才臨奏不勝瞻戀激切之至康熙五十七年四月二十五日

奏安徽陝西省籍商人子姪請在揚州應試摺

康熙五十七年五月十七日

奴才李煦跪奏竊兩淮商人原籍或係山西陝西或屬江南之徽州其西商子姪隨父兄在兩淮不能回籍考試因另立商籍每逢歲考童生取入揚州府學定額十四名徽商子姪因原籍在本省不得應商籍之試但徽商行鹽年久大半家於揚州故徽州反無住居且自揚至徽道途千里回籍考試甚屬艱難今徽商求將子姪照西商例亦於揚州府學額取十四名免回籍應考再查童生入學有商籍另取之分鄉試舉人無商籍另中之例而生逢聖主右文之時徽西商人子姪奮志芸窗文字之可造就者不少今徽西商人求奴才題請鄉試舉人亦照滿洲蒙古與官生等例另編商籍字號量中數名則沐聖代文教之光榮而天恩逾格世世犬馬不能仰報萬一矣奴才未敢繕疏可否據情題請伏乞萬歲批示遵行康熙五十七年五月十七日

硃批此事甚關爾之聲名不可輕忽須同運使商量妥當再具題可也

奏報米價並淮晴雨錄摺

康熙五十七年五月十七日

奴才李煦跪奏竊蘇州揚州大小二麥已經刈穫俱有十分收成民情喜悅目
下雨水調勻各處莊農現在插秧至於米價上號一兩五分光景次號九錢五
分光景蘇揚彷彿相同奴才謹將蘇州揚州四月晴雨錄恭繕進呈伏乞聖鑒
康熙五十七年五月十七日

請安摺 康熙五十七年六月十六日

奴才李煦跪奏奴才前具摺恭請萬安未蒙批示奴才蟻忱揣度我萬歲孝心
純篤皇太后雖然大堊而聖心輾轉思慕則日夕之間知萬歲仍不免於哀痛
所以聖躬猶未萬安奴才奏摺遂未蒙批示但受恩犬馬旁皇踧躄身心刻不
能寧而翹首行在正不勝馳戀之依依也謹具摺奏聞伏乞慈鑒康熙五十七
年六月十六日

硃批朕今大安了此摺字言不通不合奏體

奏報米價絲價並進晴雨錄摺 康熙五十七年六月十六日

奴才李煦跪奏竊蘇州揚州雨水調勻米價上號一兩光景次號九錢光景揚

州與蘇州價值彷彿至於新絲之價線經絲每兩八分二厘單經絲每兩七分六厘緯絲每兩七分二厘再蘇州所種御稻現在俱秀大約七月初二三可以收割惟奉發香稻於四月二十五日種秧目下已當六月之半禾苗僅止一尺未知是地土不宜之故或因初種不明其性插秧耘耨未得其法所致奴才看往後如何再爲奏聞蘇州揚州五月晴雨錄恭繕進呈伏乞聖鑒康熙五十七年六月十六日

硃批知道了

奏報米價並進晴雨錄摺 康熙五十七年七月初五日

奴才李煦跪奏竊蘇州揚州雨水調勻禾苗大發秋間可卜豐收米價上號一兩光景次號九錢光景所有蘇州揚州六月晴雨錄恭繕進呈伏乞聖鑒康熙五十七年七月初五日

奏風聞武進縣捕役獲住匪類搜出偽割摺 康熙五十七年七月十六日

奴才李煦跪奏竊常州府武進縣捕役六月十九日在常州城外館驛前遇匪

類一人蔣正容身邊搜出紙條二十二張俱有姓名在上又搜出偽劄一張捕役獲住蔣正容解武進縣審訊供出華子文等十餘名並皆擒獲今督臣撫臣現在嚴飭地方文武各官緝捕黨羽但此事奴才得之於風聞究竟如何起因如何給劄其爲首確係何人奴才尙未知眞實謹先以風聞具奏容訪確之日再繕摺上聞伏乞聖鑒康熙五十七年七月十六日

奏報御稻收割情形摺

康熙五十七年七月十六日
附單二

奴才李煦跪奏竊蘇州所種御稻八十畝於七月初三日收割每畝約得稻子四石一斗五升謹隴新米一斗進呈而蘇州原田趕緊收拾於七月十二日立秋之前又種完第二次秧苗矣至於蘇州鄉紳與兩淮商人所種御稻亦皆收割其所收之數奴才另開細單恭呈御覽再香稻目下禾苗甚盛但尙未曾秀理合一并奏聞伏乞聖鑒康熙五十七年七月十六日

附單一

兩淮商人高萬順等十二人今年第一番各種田畝數與收稻細數謹詳開於

後恭呈御覽

商人高萬順種三畝每畝收三石三斗

商人閔德裕種二畝每畝收三石一斗

商人馬德隆種二畝每畝收三石二斗

商人吳敦厚種二畝每畝收三石一斗

商人程弘益種二畝每畝收三石

商人吳德大種二畝每畝收三石

商人吳握玉種二畝每畝收三石一斗

商人徐尙志種二畝每畝收三石

商人汪德睦種二畝每畝收三石一斗

商人喬履順種二畝每畝收三石一斗

商人項鼎玉種二畝每畝收三石

商人何義大種二畝每畝收三石一斗

附單二

蘇州鄉紳翰林院臣吳瞻淇等二十一人今年第一番各種田畝數與收稻細數謹詳開於後恭呈御覽

翰林院庶吉士臣吳瞻淇種三畝每畝收三石二斗

翰林院庶吉士臣陸秉鑑種三畝每畝收三石一斗

原任上科給事中臣慕琛種十畝每畝收三石三斗

原任兵部職方司主事臣蔣文瀾種十畝每畝收三石

原任大名道臣陳世安種十畝每畝收三石二斗

原任刑部四川司主事臣陸熾種四畝每畝收三石一斗

原任內閣中書臣金秉樸種五畝每畝收三石

原任兵部職方司員外郎臣章豫種三畝每畝收三石一斗

原任內閣中書顧祖鎮種二畝每畝收二石九斗

原任寧台道臣王世繩種三畝每畝收三石

癸巳科進士臣蔣杲種二畝每畝收二石八斗

乙未科進士臣顧沈士種三畝每畝收二石九斗

原任廣東韶州府通判臣張安國種二畝每畝收三石

原任兵部武選司員外郎臣陶昱種三畝每畝收三石一斗

己丑科進士臣張景崧種二畝每畝收三石

候補行人司副臣陶箴種三畝每畝收二石九斗

己丑科進士臣樊錢倬種二畝每畝收二石八斗

己丑科進士臣韓孝基種二畝每畝收二石九斗

癸巳科進士臣顧之樽種二畝每畝收二石九斗

癸巳科舉人臣宋喆種一畝收二石八斗

甲午科舉人臣韓御李種一畝收二石八斗

奏鹽課未完銀兩請准五綱帶完摺

康熙五十七年八月初八日

奴才李煦跪奏竊去年十一月奴才奉旨巡視兩淮鹽課九卿請將李煦再留

直隸蔚州美教士貝以撒被毆案

美欽差鏤斐迪請速辨結蔚州教案照會同治十年十一月初四日

大亞美理駕合衆國欽命駐劄中華便宜行事全權大臣鏤爲照會事昨日何老爺在貴衙門面晤成大臣述說蔚州爲傳教有匪徒滋事今本大臣將貝教士申陳送與貴親王查閱何老爺與成大臣商量定准擬前往蔚州盡心辦理了結此案此舉甚屬妥當一俟貴衙門備函交與何老爺卽當持函前往該處將函面遞該州現今岬端雖小如不速爲辨結恐釀成大患故不宜遲延專此卽希見復須至照會者右照會大清欽命總理各國事務和碩恭親王辛未年十一月初四日外附申陳

美教士貝以撒爲被毆事之申陳

原件附同治十年十一月初四日美欽差鏤斐迪照會內

美國傳教士貝以撒於十月二十一日約有午正帶領教中人安貴並在學內讀書之高喜在蔚州西門外講道送書高喜係西河營人年十二歲與伊父俱進教習道同在館中居住貝教士講完之後帶領高喜回寓走至西大街突被

惡人攔住詢問高喜爲何同你在一處貝教士將一切實情告知伊等並不肯聽越發喧鬧安貴揪住一個鬧事之人往州署去喊告貝教士往寓所去不料這羣惡人緊緊跟隨勢更兇暴貝教士情急無奈只得躲到一個舖中不多時伊等又將貝教士從舖中拽出互相亂打頭面俱受重傷並搶去金殼金繩時辰表一個值洋錢二百五十元撕破衣服失去帽子等物迨貝教士得脫伊等之手仍有一大羣人跟隨圍繞寓所貝教士回寓後又派兩人往州署去呈報均被差役攔回約有申正時分安貴從州署中回來備述一切始知州牧堂訊後立放安貴所扭之人責斥安貴又云耶穌教不好你不當入教州牧說到耶穌教門與西國之人均用洋鬼子三字毀辱二十二日午後與貝教士同住之美國達教士帶領趙姓往州署去先則用帖求見州牧不見後則投遞呈詞州牧始見達教士面請從嚴辦理此事州牧一味推脫云城裏人數太多焉知誰犯此罪你若挈護我可辦理此時我怕妄挈無辜達教士屢次懇求州牧均如此回答達教士又向州牧云此事重大不可忽略我教中前有二人被毆今又

有牧師被毆如若僅僅出一告示責罰一二人恐怕將來別滋大事必至喪命
此事從嚴辦理方妥以後州牧只云拏人而已別無他言二十四日忽有官人
帶領一人到貝教士寓所身帶鎖鏈口稱此人已受責五百小板並云事尙未
完越三四日必將原物送還二十五日達教士又往州署去催問此事州牧云
已分付地保訪拏餘犯若不拏獲必加責罰又向達教士云須多候幾日達教
士云此事緊要應當速辦况打貝教士之事係在午間城中大街衆目共覩此
人並不難拏前一次請州牧辦理至今已經三日並未捉住一人州牧云沒有
人肯告訴打貝教士者係何人又云此人已經跑去又云自己必盡力辦這事
達教士臨走時州牧又云限五天必令差役拏獲餘犯如若不獲必定嚴責差
役

卷之二

美教士貝以撒與父之期其法合無給據解出服甚不願心宜其責
 以請者其貝以撒其者與阿人之法出入其與法又三日自後能其無至
 法亦亦其法一夫其出與無至全日與之日並無與到一人其與之到
 士以此事其與者與法其貝以撒士之其其子其與中大其與日其
 以其計其與者其與者不其與也而其與阿人其與士其與之計其日其
 法其三日自後能其無至其二十五日自後能其與者其與者其與者
 其與者其與者其與者其與者其與者其與者其與者其與者其與者
 其與者其與者其與者其與者其與者其與者其與者其與者其與者
 其與者其與者其與者其與者其與者其與者其與者其與者其與者
 其與者其與者其與者其與者其與者其與者其與者其與者其與者

江西瑞昌縣美教堂被毀教士被毆案

美欽差艾忭敏請速辦結瑞昌教案照會 光緒元年五月初二日

大亞美理駕合衆國欽命駐劄中華便宜行事全權大臣艾爲本國民人在九江府屬之瑞昌縣地方迭被不法無知之人所傷迄今案懸未結請轉飭本地官員迅按貴親王向來和平辦事之懷秉公作速完結事案查九江交涉事件向由分駐九江知事官經理總歸駐漢口之本國領事官管轄茲據該領事官稟稱據分駐九江知事官轉詳據本國在九江之傳教士稟稱該教士曾在瑞昌縣租賃房屋設立教堂忽於同治十二年四月二十五日夜間有讀書之人數名不過因恨洋人起見率領許多無知之人將教堂拆毀毆打看堂之人並將看堂人之行囊及堂中一切器具或爲所搶或爲所壞內有四箱書籍亦俱失落無存該教士等聞知內有一教士卽赴瑞昌縣稟請究辦縣官尙屬按理接待准爲拏人重辦並出示曉諭百姓不准欺壓惡待美國教士等因及至該教士由縣而歸雖有許多護送之兵猶被無數蓄怒之人毆打該教士躲入廟

內民衆直欲拆廟擁入追尋幸有縣官前來彈壓親手拏獲爲首之讀書人數名不然幾致廢命該教士既被重傷身體不支急須回國將養是以當時未將此案稟請究辦等語又於同治十三年九月二十五日有本國兩教士領有知事官護照乘船前往瑞昌縣欲將前所租賃房間修理完整重設教堂當於行至該縣時雇覓本地行轎前赴縣署面請出示禁止滋擾維時前任縣官業經卸事新任之官未卽接見令其在署外聽事房內等候計等候之時刻約足兩時有餘彼時卽有百姓多人齊集向其辱罵甚至將聽事房窗戶擁倒如是許久縣官竟不肯將衆人逐散及至該教士入署與縣官相見衆百姓亦擁隨於後幾無隙地縣官云此事須請示道憲府憲在未經請示之先不敢先行出示禁止斯時百姓愈聚愈多該教士臨入署見官時曾令所帶之跟人趙洪貴在聽事房內等候不意該衆民擁入聽事房內將無辜之跟人極其毆辱該教士在署內聞知卽請縣官將衆民趕散縣官未允以致衆民復擁至廳前該教士將護照呈與縣官查閱縣官不肯閱視惟向該教士云若不速回九江卽不能

派兵保護如回九江並許親送出城該教士於是出署回船不意縣官護送不遠卽行回署護送之兵亦皆漸漸退散衆民遂復擁擠前來又將跟人趙洪貴苦打搶去衣服財物並將所雇轎夫打散該教士直被擁出城外從後面拋磚擊打因天已黑晚以致該教士奔躲落河該民仍拋磚向河內擊打幸河水不深得涉彼岸始脫衆民之手過河後約有時許方尋獲原坐之船於次日回轉九江該教士來瑞昌縣時曾請一中國先生隨行當衆民生亂之際亦被將衣物搶去越數日方回九江到九江後卽據情稟請九江知事官轉請九江道代爲伸冤稟內云此二次在瑞昌縣被傷除調治傷痕等費不計外計頭次失去書籍傢具等項合銀二百元二次該教士失去衣服等項合銀一百二十五元又跟隨人失去衣服等項合銀四十元請爲照數賠償所拆毀之教堂亦請按式賠修並請將爲首唆事之讀書人懲辦及不肯保護之縣官一併降罰於該處張貼告示禁止百姓非禮欺壓等情該知事官當卽轉請九江道查辦嗣因九江道總未照所請了結是以轉詳卑領事核辦當經札飭該知事官再行力

請九江道速爲查辦不意該知事迭次催請仍未了結茲於光緒元年正月內經卑領事備文照會九江道云九江分設之知事官向屬本領事兼轄據該知事官所稟該教士等被傷情形業經本領事查明貴道若不按約查辦自可詳請本國駐京大臣照請總理衙門辦理在案嗣於正月二十九日准九江道覆稱此案該教士所稟查無確據當已照行查辦據該縣聲覆亦無毆辱該教士等情礙難辦理等因查九江道雖云該教士未曾被毆而文內又有衆民滋事實因不願該教士前往之語並函達九江知事官請其飭知該教士不必前往之事是其不肯認真查辦實屬顯而易見理合詳請轉行照會等因前來本大臣查和約內原載有准教士往各處傳教之條但各處人性不同間亦有不願該教士等前往因而生亂者本大臣已有意飭知本國教士如有本地衆民不願前往散書之處可以不必前往以免滋生事端此意久欲顯白於貴親王而未得白也茲查該教士所稟滋事大意在瑞昌衆民並無惡待之心不過爲讀書人所唆使始有其事若地方官於起事時果無所徇庇持平辦理何至滋事

如此事後九江道又弗將瑞昌之案按公速辦以致本年三月內在九江地面亦有拆教堂壞義學並搶去物件之案此案在該道地面勢不能緩爲不知是以將亂民懲治出示禁止欺壓並將所拆搶房屋物件一併賠修齊全瑞昌之案該道若早按辦理此案公平辦理亦何至九江之民相率效尤茲仍不肯迅爲完結自應照該領事所請照會貴親王轉行查辦諒貴親王斷不至不因彼此交誼深情迅飭地方官照該領事所請速爲完結也再該教士等所失物件計銀原屬無多且又不計調治傷痕之費所最要者不過照賠所失財物懲治爲首滋事之人將所租房間賠修完整以及出示禁止滋擾耳所請尙非難於辦理若能如是了結嗣後瑞昌之民與別處之民自不難一律同歸和睦至於該教士等各處傳教原係勸人爲善並非強人奉教乃無知之徒竟指造謠言以致羣疑肆起此案於出示時務希將洋人按約應到之處與應作之事詳細註明庶無知者不至再生事故本大臣因思貴國各省督撫若果能遍行各州縣飭其將和約所載洋人應到之處與應作之事及與西國宜敦和誼不得與

之爲難等情一體詳細再行出示申明將見滋事之端日見其少卽間有其事
地方官亦必作速辦理也須至照會者右照會大清欽命總理各國事務和碩
恭親王乙亥年五月初二日

美欽差艾忭敏知照瑞昌教案應詳由漢口領事官辦理照會

光緒元年五月初六日

大亞美理駕合衆國欽命駐劄中華便宜行事全權大臣艾爲照會事案查本
月初二日照會貴親王瑞昌縣衆民迭次滋事一案內有九江道照覆漢口領
事官文稱貴領事來文內稱所有在九江地面本國有通商交涉事件統歸所
轄是以瑞昌之案應由本領事查辦等因本道詳查各口岸地方各國所設之
領事官均有文憑在各該管地方各司其事於更換之時亦必由總理衙門文
行知照在案查九江地方交涉事件向由羅領事辦理且已多年卽彼此文件
往來羅領事亦云有領事之全權並未聲明係任副領事之責貴領事何謂其
無全權等因本大臣查本國領事官向有三等一等係正領事官二等係副領
事官三等卽係在各處小口岸無多交涉事件地方所設之知事官該知事官

遇有尋常事件固可照常辦理而於交涉重事則必須詳由正領事官核辦九江知事官羅士者正係本國之二等領事官瑞昌滋事之案亦非尋常事件可比該知事自應詳由漢口領事官辦理本大臣恐嗣後該處交涉事件再有誤會相應照會貴親王查照卽希文行南洋大臣轉飭九江道知照可也須至照會者右照會大清欽命總理各國事務和碩恭親王乙亥年五月初六日

美欽差艾忭敏再述瑞昌教案情事照會

光緒元年八月十五日

大亞美理駕合衆國欽命駐劄中華便宜行事全權大臣艾爲照覆事本年八月初七日准貴親王照稱准南洋大臣咨據九江關道詳復查明美教士在瑞昌縣被毆一案照錄原咨各件等因前來查此案經貴親王如是分心趕辦本大臣實深感謝惟是案內情形若僅按地方官所稟自係秉公辦理本大臣亦安得不爲之聞而欣慰奈其中情事有未盡然者貴親王果欲將彼此交涉之件實力秉公辦結請將此案情形再爲略述之查瑞昌縣稟內云實無毆搶情事不過因百姓環繞追看匆遽急迫由東門外小溝跳過似係該教士自生驚

恐之心又云並無跟人受重傷及被搶情事並云該縣護送該教士出城均有皮衛真謝信爲據而關道亦以節次飭縣查明毫無實據等語具覆是該地方官惟以皮衛真謝信爲有憑抑知皮衛真之信正足見該縣衆民逼毆教士及跟人之事確有可憑信內云昨在貴縣遭衆百姓逼迫及周宏魁受小傷與前夜受百姓逼迫若非明公十分保護必無命回九江等語該縣既據此信爲憑豈所云該處未曾滋擾亦得援以爲據乎似貴親王亦不能不因信內各語謂該處實有滋鬧逼毆教士及跟人幾至傷命之事矣該縣彼時果曾實力保護固爲遵約而行實堪嘉獎然該處滋事與否究不得因彼曾保護即可謂實未曾有也是美民按約持照赴瑞安分守已忽被民毆實有證據何以該縣迄今未獲一犯懲辦並未如該教士所請出示嚴禁衆民嗣後不得再行逞兇滋事耶至護送該教士出城一節此語亦難見信查海格忠等曾按本國例在羅知事官前發誓具稟云縣官護送未遠卽行回署護送之兵亦皆漸漸退散該教士直被擁出城外衆民從後拋磚擊打又將跟人趙洪貴苦打搶去衣物等語

該教士素行體面原係可靠之人諒不肯爲此虛妄之語乃查辦此案者竟將該教士所稟置而不論似此查辦案情請問果按公平辦理否想該縣護送出城一語其意亦不過巧爲遮飾爲避錯失起見耳再查該教士稟內只云拜會時縣令未卽接見在署外聽事房候有兩時進署後又有時許被擁擠逼迫暨衆民在外羣毆趙洪貴並衆人擁至堂前縣令方飭其稍散等語並未云該縣親送回船皮衛眞信內有親送回船之言想係別有意見設有該縣致皮衛眞之函自不難詳細核明又稟內論跟人在署外及在街市被毆一節則云跟人趙洪貴當時並無其人美領事先後照會亦無此說此不過特藉繙譯姓名之誤遂託言實無其人獨不思趙洪貴周宏魁聲音相類原係誤譯其名在洋人誤譯姓名亦係常有之事且皮衛眞信內亦明明有跟人受傷之語何得竟謂實無其人該縣稟內又云有百姓頃刻集至二三千人出城後百姓環繞追看匆遽急迫等語查該教士原係有膽量之人且住貴國最久華人環繞追視是所習見彼時又有兵丁護送若未被毆何至忽生恐懼之心在皮衛眞信內已

有伊等如何遭遇危險之語而該縣稟內只以查問護送兵丁之言爲據豈知該護兵等早已退散聽憑該教士自行出城及民衆滋鬧時該兵丁焉能得見至於皮衛眞謝信一節未必非該縣於滋事兩三日後差人前往索信使其信內開脫一似該縣無有錯失因而倒添日期均未可定論及賠償洋銀一節地方官反若作爲笑談以爲均係隻身徒手焉得有失物之事抑知所云應賠洋銀三百六十五圓有初次滋事時應賠洋銀二百圓在內此二百圓洋銀係租賃房價暨堂內書籍什物川資等項下餘一百六十五圓係跟人衣服及銀票並現銀四十圓與損壞教士衣服等項該教士原欲將受傷調治之費亦請賠償本大臣不欲盡如所請不過只爲其請賠所失之銀懲治滋事首犯將原租之房賠修交付及出曉諭載明洋人在該處傳教係按條約不准無故騷擾前已逐細照會在案茲不意美民持照前往內地並未作爲非禮竟在官署被民毆逼尾隨出城用磚拋打跟人亦被毆搶請貴國官及本國官爲其伸冤反謂該處未曾滋事亦未搶失物件飭查所稟毫無實據請爲該民設想情何以堪

惟望貴親王將此次照會及照送該教士稟稱詳細查核不必再行咨查請卽裁奪辦理庶幾逼毆美民首犯不至幸逃法網矣再者此案欲作速了結原無難處所最要者不過照賠所失財物懲治爲首滋事之人將所租房間賠修完整以及出示禁止滋擾耳至該縣處事錯失謂有爲無應如何置議貴國自有公論似無庸贅叙但此案情形本大臣早經據情馳奏惟望不久得將此案報結以免虛懸總之該教士之冤官若不爲伸理嗣後洋人各處遊歷恐民衆逞兇滋事更將有甚於此矣爲此照復貴親王查照須至照會者右照會大清欽命總理各國事和碩恭親王乙亥年八月十五日

美教士海格思等稟詞

原件附光緒元年八月十五日美欽差艾忒敏照會內

具稟海格思帥馬德稟爲無故被毆搶失銀物請爲照請伸理事竊民等前於□月□日在九江知事官前請領護照往兩省遊歷次早卽買舟赴瑞昌縣欲將從前所租之房建立耶穌堂下船時在縣該雇轎進城到縣署前卽將轎暫存所租房內忙赴縣請出示禁止騷擾至縣署使皮先生進署投帖去有許久

時候見其將名帖拏回云縣官現時用飯不能接見請稍時再來民等云必須見官方能回轉在署前又候有二刻衙役方將民等及皮先生和跟人周宏魁一同領進聽事房等候候有兩時院內百姓集滿衆人喧嚷辱罵逼迫民等直至將此房窗戶擁倒民等屢請差役使百姓散去伊等全行不理約有時許總未將百姓逐散民等二次又派人投帖求見縣官始則推辭不見後始應允外堂相見民等請其在客廳相見終未見允見面時民等請其出示縣官推辭云須奉道府憲來文方能出示彼時百姓愈聚愈多擁進聽事房將周宏魁毒打民等求縣官將百姓逐散縣官未允至民衆擁進大堂方飭役逐其稍散民等將條約所載洋人遊歷內地地方官須加保護之言告知又將所帶護照呈與觀看縣官云條約之言伊已知悉並不肯觀看護照向民等云若在署內等候恐不能保護如若回船卽派兵護送出城並許親身護送倘定在衙門內外等候不肯回船伊亦不肯保護民等只得應允回船暫將皮先生留於衙內令周宏魁隨民等出署及至署前滋事之民集滿街市不意縣官護送未遠卽行回

署護送兵丁亦漸漸退散百姓遂追擁前來大聲喧嚷撕擄民等拳打足踢並屢次欲將周宏魁從民等中間揪去出城後民等沿城根行走行至城墻坍塌處衆民拾磚從後拋擊隨將周宏魁扭住苦打將其衣服及身帶之銀搶去餘人仍追民等用磚拋擊並將民等衣服撕壞搶去帽子民等奔至城角處急忙轉灣意欲躲避百姓不意失足落河衆民手持燈籠仍在岸上向河擊打幸而水淺得登彼岸登岸後往來尋覓原坐之船約有兩時方得尋獲次日遂回九江當滋鬧之時民等所雇之轎夫亦被逐出城外及皮先生回九江時竟至毫無川資據稱所帶之銀及衣服自民等出署後在署內失去衣服約值洋銀六元

美欽差艾忭敏照復瑞昌教案須另派公正委員查辦照會

光緒元年九月初十日

大亞美理駕合衆國欽命駐劄中華便宜行事全權大臣艾爲照覆事八月二十七日准貴親王照稱美教士在瑞昌縣被毆一案本衙門無從懸斷惟有再行抄咨轉飭嚴查妥速辦理等因前來查此案復經貴親王分心咨行查辦本

大臣不勝感謝惟是案內情形恐貴親王或有誤會只以該教士等所失銀物爲重因爲其所稟毫無實據抑忠案情至重者卽係該教士遵約持照前往瑞邑二次被毆備受凌辱以及原賃之房爲民所阻不許居住如此非禮之事迄今年餘毫未辦理亦未拏獲一人懲治本大臣前曾言及茲不得不再詳言之此等案件貴國若不嚴行懲辦一任無知匪徒廢壞條約之款恐將來更滋事端必致貴國與本國有難結之件論前次請賠銀數均係核實計算其中多係被該民所毀之物並來往盤川及所租房間之價卽本大臣再將該教士等調養傷痕之費請爲賠償亦不爲過分但本國人之生命體統原非銀錢所得買是以此項費用未請賠償惟請將尋毆之人從重懲治而已至於皮衛眞之信來文引爲確證本大臣查其見證難以爲眞貴衙門此次咨查該處地方官若只將皮衛眞尋出問其虛實作爲證據仍非公平辦法緣皮衛眞由縣署返回九江曾向該教士云其失去銀物茲閱其信函則云均未失物可見其向教士尙無實言豈所發信函卽可信爲確證計皮衛眞所失之物不過值銀六七圓

伊信內既云未失自可將伊所失之數除去計算昨據該教士海格思等稟稱皮衛眞原非教士彼時不過暫隨同往瑞邑嗣因民衆滋事回轉九江越數日卽便辭去迄今並未會面又稱民等由縣回船時留皮衛眞在署等候嗣後如何情形伊無從知曉又稱縣官護送未遠卽行回署護送兵丁漸漸退散直至民等出城行至城牆坍倒之處並無人保護等語是皮衛眞信內既可冒充教士則信內所言各節自未便據以爲眞偷該處地方官仍不信最體面最公正之美國人將其所稟言詞輕忽視之並不稟公確切查辦則貴衙門此次咨查亦屬徒然此案若非另派公正委員前往確查諒必終難辦理想貴親王於事務交涉素最持平實與本大臣同此心意是以請將此案裁奪辦理茲既仍咨查辦惟望不久得將此案辦結以便作速馳報本國也爲此照覆須至照會者右照會大清欽命總理各國事務和碩恭親王乙亥年九月初十日

江西瑞昌縣美教堂被毀教士被毆案

美教堂被毀案係由美教士與地方官民衝突而起。據報，該教堂於某年某月某日，因地方官民不滿其宗教活動，遂發生衝突。美教士在事件中受傷，教堂亦被毀。地方官民對此表示不滿，認為美教士在當地活動過度，擾亂地方安寧。美教士則辯稱，其教堂活動完全合法，且對地方社會有積極貢獻。雙方在多次協商無果後，最終由地方官出面調解。然而，地方官民仍對美教士心存芥蒂，教堂亦未完全恢復原狀。此案引起了社會各界的廣泛關注，也引發了對宗教自由與地方安寧之間平衡的討論。

江西九江美國化善堂關閉幼孩案

美欽差艾忭敏照復九江化善堂案照會

光緒元年五月十三日

大亞美理駕合衆國欽命駐劄中華便宜行事全權大臣艾爲照覆事五月初七日准貴親王照會抄錄江西巡撫咨據九江道稟稱九江府城內美國赫教士開設化善堂一所本年三月二十六日夜初更時分忽聞有石匠店小孩被堂內關閉不放聚集鬩鬧趕即派員彈壓究辦等情除行文江西巡撫切飭地方官務將啟釁原由澈底根究並將滋事首犯從嚴懲辦以期民教相安等因前來足徵貴親王公義和平本大臣實深感謝查此案即前照會貴衙門所云與辦瑞昌案件大相懸殊之案茲地方官如是趕辦完結實爲妥協來文云赫教士開設化善堂原爲勸人行善何得無故關閉幼孩致令居民懷疑激而生變又云近來各省民教滋事之案大半由於百姓懷疑而起請轉飭領事官傳知化善堂人等嗣後各安本分毋再生事云云誠以常有幼童被搶受害之謠恐百姓因而滋惑也本大臣茲有不得不爲該教士顯白者該教士等向來居

住不在堂內當滋鬧之時尙未知曉及亂止之後方知有拆堂鬩鬧之事細詢情由始聞釁啟於關閉幼孩等語是關閉幼孩實非該教士等所爲已可概見所以九江道照會漢口領事官文內有云當滋鬧之時該教士並不在堂既遭毀失情亦可矜等語來文既稱此案釁啟於關閉幼孩本大臣亦豈能謂非因其事但該幼孩自看堂人喚進堂內計至滋事以後不過約有半時原非甚久惟看堂之人與該幼孩之父揪髮爭論及地方官來到堂前仍不開門實屬非是然此究屬看堂人等之非若論該教士等則確有憑據知其毫無越禮之事向來本國各教士從無關鎖惡待幼孩等事以致百姓滋疑雖無知相恨之人亦常編造謠言究無從切指其妄爲之據似未便蒙以妄爲之名茲已行文轉飭該教士等各安本分毋得生事嗣後自必愈加謹慎不至再滋事端本大臣前於瑞昌民教滋事案內曾請貴衙門轉行該地方官出示諭禁矣此案仍請轉飭地方官曉諭百姓使知凡美國民人按照條約舉行善事者該百姓毋得騷擾倘該教士等有行作非禮者無論在何處在何時均准赴本地領事官前

控告如領事官不秉公查辦准徑赴本公署控告本大臣自必持平究辦將本國越禮之人照律懲治也爲此照覆須至照會者右照會大清欽命總理各國事務和碩恭親王乙亥年五月十三日

美欽差艾忭敏致謝了結九江化善堂一案照會

光緒元年五月二十六日

大亞美理駕合衆國欽命駐劄中華便宜行事全權大臣艾爲照會事本月二十一日准貴親王照覆內稱九江城內美教士化善堂一案業經面與該教士議定完結等因前來查此案旣如是秉公了結本大臣實深欣謝來文又云本衙門已爲咨行外省曉諭居民嗣後凡傳教士及一切看堂人等有行作非禮之事者該處人民除照舊均可稟訴地方官辦理毋得擅自滋鬧外亦可任便准其赴通商口岸領事官處控告如領事官不秉公查辦並准其逕赴貴大臣公館控告等因本大臣查各省居民果能各安本分悉遵官府曉諭於其中有護照之美民按約舉行善事者毫無騷擾將見華民與美民不睦之事自見其少也爲此照覆貴親王查照須至照會者右照會大清欽命總理各國事務和

光緒庚子辛丑電報

全權大臣奕劻等電 光緒二十六年十二月十七日

火急西安軍機處元電悉專使赴英唁賀應用國書兩道恭擬電呈御覽請旨定奪紙張包袱一切已照向章預備查俄國前案先派王之春前往唁賀嗣後加冕又派鴻章專使英使言加冕當在一年服闋已後而英國加冕聞向不若俄之鄭重此次專使唁賀是否令候加冕另備國書抑照俄例作兩起伏候核酌乞代奏奕劻李鴻章諫恭擬國書如下致唁英主國書大清國大皇帝敬致書於大英國大君主五印度大皇帝陛下朕驚聞貴國先大君主龍馭升遐曷勝悲悼欽惟先大君主臨御宇內六十餘年豐功偉烈震鑠古今凡在友邦同深欽仰尤與中國休戚相關和好無間本年五月中國猝遭變亂尤賴先大君主執牛耳之盟保通商之利俾得和議速成大局早定朕心尤爲銘感方冀先大君主克享遐齡期頤迭晉遽聞噩耗震悼殊深茲特派某爲欽差大臣恭賚國書前往貴國表朕唁慰之意惟望大君主仰承先志益懋宏規本孝思不匱

之誠致海宇昇平之治以無負先大君主付託之至意惟大君主鑒察焉致賀英主國書大清國大皇帝敬致書於大英國大君主五印度大皇帝陛下朕欣聞大君主嗣登寶位宏紹丕基卜福祚之綿長徵邦基之永固朕心實深欣慰因念中國與貴國訂約以來永敦輯睦商務之盛甲於五州既利益之相關宜情好之彌摯茲逢卽位大典特派某爲欽差大臣恭賚國書前往貴國表朕欣慰之意惟望大君主克紹前徽益宏寶祚保四海升平之局慰環球企望之忱從此我兩國睦誼益敦和好無間朕不勝欽盼之至

盛宣懷電

光緒二十六年十二月十八日

火急行在軍機處頃接張大臣諫電諫奉咸電軍機處奉旨張百熙已派充頭等專使大臣前往英國唁賀著盛宣懷電傳該大臣迅速前來行在請訓欽此百熙才識庸陋渥荷殊恩責以專使之任感悚難名當卽叩謝天恩遵卽束裝於本月廿一日起程馳詣行闕籲請聖訓百熙於洋務素固懵然此行慎固邦交關係極爲緊要非得深通洋務人員不足以資贊助查有廣東候補知府龔

心湛熟精時務洞悉洋情於外國語言文字尤所通曉且心術端正才具明練
爲百熙所深悉擬請旨准令隨帶前往敬乞貴大臣轉奏云乞代奏宣懷叩諫

盛宣懷電光緒二十六年十二月十九日

火急行在軍機處亥頃閱全權已送各使說帖內開第六款中國國家須籌之
各國所能允從之理財辦法以爲擔保如何賠補各款須量中國之力或寬定
年限或推情量減必須通盤籌畫中國歲入歲出各款爲諸國所深知此次賠
款又係額外添出凡中國籌款有可設法增益之處如加關稅礦稅通郵政行
印花稅之類各國現已通行諸望隣邦一體照允並聲明以上各節附註開來
各款之後卽爲將來議約底本云謹錄呈備參考宣懷叩效

全權大臣奕劻等電光緒二十六年十二月十九日

西安軍機處宙楊使諫電外部晤稱伊與兵部均接阿提督電知增祺逮問兵
部謂是顯與俄爲難頗有怒意外部亦謂治增卽以辱俄口速請將增留任免
治等語查暫章程阿奉俄廷諭與增互訂如果逮問俄必不允崇厚舊案可鑒

現正約方待磋磨暫章已罷批准外部所請似不宜固卻致生枝節乞代奏請示俾速照復云已將前後電旨摘要覆知並無違問之說奕劻李鴻章嘯

盛宣懷電光緒二十六年十二月十九日

行在軍機處宙全權元電各國所索兵費如數允給始各退兵似此各使索款恐又不易磋磨頃與英德總領事密商今兩宮一心已飭議行新政將來中外必能益加修睦悉泯前嫌貴國誼篤邦交必願中國日起振興則通商利益自然日擴現值開議和約詳細條目各國各會各人賠補之款自當照約辦理惟庫儲一空若數目過鉅力不從心或謂中土民物蕃庶不難搜括然中國千百年來取民甚薄若一朝苛索恐民心思亂積怨生事再四籌維各會各人撫卹賠償無論如何爲難總須設法備款給予現銀其各國兵費爲數較鉅若盡資借款勢必爲銀行所挾持本利併計數十年之內中國困乏無以自給諒非各國所欲出此在諸大邦興師爲平內亂所費不貲若蒙諸大政府視我力所難能不加勒逼現資免使息借鉅款朝廷擬令戶部及商務大臣與各督撫籌商

凡有利益於各國商民而無損於中國商民者必當援引西法竭力開通以如各國所望則貴國所收中國利益愈宏而敵國得以從容圖報此莫大之義舉當爲萬年史策之光惟貴國威德著於四洲倘荷首先俯允並轉商各國感德無涯等語該總領事又詢貴大臣此意必當代達但不知利益各國意在何事答以開礦鐵路及稅釐併徵皆可有利英領事云各使多欲立功決不放鬆惟有請發國書懇切委婉措詞雖各國意見不同當可寬期減少但不可說破是我所言此係該領事知已派專使赴英已一面將修好真意電達政府故肯代謀宣總慮賠償款鉅脂膏耗盡難遽自強可否仰懇聖明俯察酌發國書英德俄法義日意同發似可有益無損乞鈞裁代奏宣謹叩嘯

全權大臣奕劻等電

光緒二十六年十二月十九日

西安軍機處由頃接增將軍由旅順元電稱電敬悉祺辦理不慎咎無可辭惟文電不通爲難情形未能遽達和議如何前此亦未略悉周冕九條如第一條火車路未改八九條尙無關係二條俄留軍隊與鈞示不允全撤相同三條我

軍隊既不得力一律裁撤亦與函示相符三省庫存之械俄早收去潰兵械已散失留兵六千械僅敷用砲台現無間壘何用五條已允將遼海蓋熊各城歸還營口亦允利議略定必交六條巡捕隊定六千人比吉林多二千與從前練軍相仿七條省城雖派來廓米薩爾及暫約俱允視北京和議爲斷不符更改是暫約已不爲一定之據此補救大概情形此番商訂尙無枝節懇鈞政轉奏云此電已轉楊使酌辦奕劻李鴻章嘯

黑龍江將軍綽哈佈電光緒二十六年十二月十九日

急西安行在軍機中堂大人鈞鑒佈十三由滬航海風烈浪猛與直藩周馥十七到煙佈候俄輪赴旅會阿提督今接全權王大臣電示阿提督兼管奉天伯力總督兼管吉黑性尤強執擬到旅會阿即晉京面受全權機宜到任再赴伯力乞先代奏哈佈叩嘯

盛宣懷電光緒二十六年十二月十九日

火急行在軍機處亥李相暗電十七專議懲辦禍首未及他事云旨懷叩效

左都御史張百熙電光緒二十六年十二月二十日

西安行在軍機處鈞鑒嘯電奉悉遵由清江取道徐沔以期迅速龔守心湛奉旨飭遵國家致英禮物如有應由粵省備辦者希電達廣東督撫部轉飭龔守趕辦百熙謹叩效

兩江總督劉坤一電光緒二十六年十二月二十一日

西安行在軍機處鑒盛宗丞轉效電敬悉駐滬駐甯各領先後來見初因洪夏兩主事條奏得旨分發存記頗疑朝廷陰納其說意在依違各以微詞探問當經諭以寬待言官自是中國政體並無礙於和局該領等釋然嗣日領又因增與俄人私約謂各國聞而動心諄囑密電各全權堅持勿允免啟瓜分之漸並請懲辦首禍一款奏到卽行以堅各國之信否則藉此恐有反覆情詞極爲迫切當將俄約一層密電各全權力拒此外無可訪察似亦別無意見現密商駐甯各領轉達公使懲辦務從輕減未審能否有濟謹據實覆陳祈鑒察坤箇

全權大臣奕劻等電光緒二十六年十二月二十一日

火急行在軍機處宙頃又據各國使臣續行照會肇亂時有極其痛恨違背公法各狀之大員慘罹大辟茲公同核定徐用儀許景澄袁昶聯元立山等五員皆應立行開復原官以示昭雪抵償之意而垂仁義大公之道此舉諒中國國家未必不欣然允服也如外省有被害之大員情節與以上相同者日後由諸國全權大臣指出亦當一律請爲公允昭雪擬請賞王大臣於奏請頒發前文所討各罪名之諭旨時即將以上五員開復原官之上諭一并宣示等語請代奏奕劻李鴻章等一

全權大臣奕劻等電

光緒二十六年十二月二十一日

火急西安軍機處宙效電敬悉懲辦首禍問與各使密談並未公同會議十七專議此事至三點鐘之久舌敝唇焦篠電但摘要上陳伊等強詞奪理毫不爲動僅允將瀾公減死卽先行照會無益况十九下午各使公照會已來揣其指出啟秀徐承煜是採訪都人公論啟監禁月餘毋艱保出現仍同徐拘禁實與東三省俄約無涉會議時英法德爭之尤力三國兵數最衆蓋有挾而求德有

殺使之辱尤所痛心伏乞鑒察請代奏奕劻李鴻章等四

閩浙總督許應騫電光緒二十六年十二月二十二日

西安行在軍機處鈞鑒由密福建興化府知府啟續因迴避赴浙在署温州府任內辦理交涉不洽經會奏請將其開缺交部嚴加議處現接英領事文稱奉伊國駐京公使電請將其究辦並須罰銀五千元等語似非降罰所能了事希代奏請旨將啟守革職以免饒舌再所遺興化府缺係選缺應留閩另補騫簡

全權大臣李鴻章電光緒二十六年十二月二十二日

西安軍機處由奉號電旨謹悉張佩綸前在閩省以船政木船當法國鐵甲快船宜其敗績嗣在天津並未參謀戎幕言者妄加誣陷其獲咎實有可原諒旨稱其心術尙屬端正仰見知人之明臣以至戚未便保薦今蒙垂詢該員曾在總署行走交涉事宜尙肯究心現年逾五旬閱歷深穩意氣已平若及時起用不致踏書生迂腐之習或於時局稍有裨助請代奏李鴻章養

盛宣懷電光緒二十六年十二月二十二日

行在軍機處宙奉皓電命擬國書各該國必互相送閱似可不分軒輊謹照全權說帖擬一通稿仍求斟酌辦理文曰各大國會議要款敵國現已次第議商照辦惟賠欸一事不得不通盤籌畫此次兵事各處財物毀失過多且敵國地利商務尙少開通一時不易籌集鉅欸索之太急必致搜括無遺民窮生變當爲大皇帝所鑒諒敬念大皇帝誼篤邦交亦欲敵國竭力圖治求保亞東太平之局開通商不竭之利源敵國現議力行實政正期圖報各大國之惠於後日尤望貴國始終玉成商同各大國允將賠款酌減數目寬定年限另籌妥法攤償免使多借息欸藉得稍蘇喘息整頓內政將來中外必能益加修睦各大國永享無窮之利益感仰厚德非言可宣謹布腹心惟希鑒察不勝盼禱之至宣懷謹肅箇

全權大臣奕劻等電

光緒二十六年十二月二十四日

火急西安軍機處頃據英薩使照稱准來文特派張百熙前往英國當卽電達本國茲奉回電本國大皇帝不容此員覲見現在中國未曾設法將攻擊使館

謀害英國官員並在直隸山西浙江慘害無數英民之案昭雪無論中國簡派何員我皇上定不能准其入見等因並據面稱唁慰不必派專使將來加冕屆時請派惟張百熙官職較卑仍不接待必在親王中堂內挑選等語查德國穆使前因第一款派親王赴德曾有請派醇親王之意嗣據照稱現奉國家諭令俟中國照各國共索各款全行照允或實力照辦或出有切保本國方可應允派醇親王前往德國等語查英德交尋此事似商同一律已電致張總憲暫勿前往請代奏奕劻李鴻章濛一

全權大臣奕劻等電

光緒二十六年十二月二十四日

火急西安軍機處宙楊使馬電兩嘯均悉增留任外部欣然並稱正約擬廿二會戶兵覆核廿四奏俄主廿六開議當趕譯奏聞前託俄發東省三帥電無復遇事當續電云慶李敬

盛宣懷電

光緒二十六年十二月二十五日

行在軍機處兩濛電謹悉國電卽遵示改正分電各出使大臣惟現在正爭懲

辦其氣方盛遞去恐不理已電告各使將國電暫存以俟懲辦議妥卽時轉遞時與機湊或可望有益美誠最和平但必與英合力乃得勁今英方與德密一美必不能調停列強似可勿另電以免各國或轉有挑剔仍候鈞裁宣懷謹肅敬

李盛鐸電

光緒二十六年十二月二十五日

火急西安行在軍機處鈞鑒頃外部言此次議款中國萬不可割地如允割地與一國或雖未明割而允其設官置兵亦是暗讓一經允定他國必羣起效尤大局當不可問財政及各種利權亦然設有一國要挾太重中國似可答以此次事變關係各國宜歸入各國公約併議庶免受虧并云此係日政府密勸之意等語屬電陳請代奏盛鐸有

大戲 行圍得瑞

(行圍壽星大壽星文壽星持弓箭壽星引延壽壽星上後護壽星隨上延

壽壽星唱)

〔點絳脣〕 萬國同康。九天呈象。壽星朗。日月煌。正值瓊筵敞。(白) 康日欣

逢四海瞻。五方人壽祝堯天。遙看耿耿諸州照。景連宏開億萬年。吾乃北方延壽壽星是也。恭逢皇太后萬壽聖誕。五方共現嘉祥。為此挑選壯健老人。演成諸般歌舞。特往紫芝山。覓取仙禽靈獸。進獻天家。聊申恭祝。就往紫芝山去者。
(衆應遶場科延壽壽星唱)

〔混江龍〕 今日個較獵圍場。赴深山曠野覓猩猩。俺只見古木寒煙。草白沙

黃。一壁廂峻嶺巍峩。一壁廂山峯疊障。只聽得猛刺刺風吹林響。這圍場真覺

蒼茫。(衆白) 已到紫芝山。(延壽壽星白) 就此撒開圍場者。(應作合圍

科白鹿白狼白兔熊鹿各啣靈芝上作遶場科同下延壽壽星唱)

〔油葫蘆〕 俺這裏出獵排戈列神鎗。齊掛着弓弩飛蝗。一簇簇老人稱雄健。

一隊隊白髮霜鬚奮鷹揚。俺不是操軍士在秋高氣爽。也不是練貔貅在聳壁高岡。見幾個架鷹擎鶴。有幾個牽犬携獒把圍場上。頃刻裏似天羅地網陣圖張。（行圍壽星與衆獸各作抵對擒捉白鹿等虛白發譚科同下延壽壽星唱）

〔天下樂〕

則見那遍野漫山佈圍網。亂紛紛飛也波蝗。恁看這百獸奔忙。

個個無投無往。任騰挪蹤跳如飛。怎逃得鐵壁銅牆。好將來萬壽筵上侑兕觥。（行圍壽星各引衆獸上白）啟上星主。獲得麋鹿百隻。各各口啣萬年仙芝。其餘所得瑞獸。不記其數。（延壽壽星白）妙嗶。百鹿恭進萬年仙芝。真乃從古未有之聖瑞。就向御筵呈獻去者。（衆應科同唱）

〔天下樂令〕

老人分署列千行。喜孜孜踴躍赴天闕。歡欣拊舞抒誠況。恭祝

維祺拜當陽。（衆白）已到御筵。（延壽壽星白）妙吓。你看萬舞當筵。千祥畢萃。雲璈競奏千秋譜。玉殿同稱萬壽觴。好一派太和喜氣也。衆壽星。就在御筵歌舞獻瑞者。（衆應科同唱）

〔喇叭令〕

俺則見寶殿上祝壽筵張。（二壽星帶蹻蹻壽星上作蹻蹻科同）

唱獻奇舞。獻奇舞。共晉霞觴。對秋光真堪賞。百戲獻當場。老人星齊奮著精神。猛壯。賈勇與爭強。并舞處敬侑瓊漿。覺不的心歡意暢。聊當作康衢擊壤。同祝願地久天長。地久天長。（躡踏壽星下瓦爾喀壽星上作獻舞科下麻克新壽星念烏春科作樂壽星上作歌舞科下延壽壽星白）衆壽星。可將萬年仙芝。向御筵舞獻者。（衆應科壽星各捧靈芝上舞科唱）

〔鵲踏枝〕喜非常。樂未央。敬獻這萬歲仙芝。拜祝無疆。笑盈盈頌聲朗朗。笑盈盈頌聲朗朗。頌南山天保詞章。天保詞章。（延壽壽星白）舞獻已畢。就此叩賀者。（衆應科同唱）

〔後庭花尾〕齊望着九華仙仗。學虎拜。學虎拜。鷺序鵷行。獻葵心祝長生壽考。拜手賡揚。（叩畢科衆同唱）惟願取長清萬載。享福祿悠久無疆。悠久無疆。（同下）

顯(四七)

其年... 此經... 佛... 入無... 佛...

... 佛... 佛... 佛... 佛... 佛...

... 佛... 佛... 佛... 佛... 佛...

... 佛... 佛... 佛... 佛... 佛...

... 佛... 佛... 佛... 佛... 佛...

... 佛... 佛... 佛... 佛... 佛...

... 佛... 佛... 佛... 佛... 佛...

... 佛... 佛... 佛... 佛... 佛...

... 佛... 佛... 佛... 佛... 佛...

... 佛... 佛... 佛... 佛... 佛...

大戲 寶塔凌空

(扮護法天王上跳舞科引大力菩薩滿月光菩薩寶月菩薩手持菩薩藥王菩薩彌勒菩薩空行菩薩除障礙菩薩寶掌菩薩觀音菩薩地藏菩薩文殊菩薩普賢菩薩上同唱)

〔憶帝京〕釋教原從誠敬傳。須不曾虛無幻元。均是心和理。殊此經和典。西域人真銓。不與儒宗遠。一從人落野狐禪。遂自別開生面。則我神遊究竟天。何嘗妄誕說空言。可知覺路正。卽是智燈圓。(同白)戒珠明若水。靈寶鍾於山。法雨飛時潤。天花落處閑。(分白)我乃普賢菩薩是也。我乃文殊菩薩是也。我乃地藏菩薩是也。我乃觀音菩薩是也。我乃寶掌菩薩是也。我乃除障礙菩薩是也。我乃空行菩薩是也。我乃彌勒菩薩是也。我乃藥王菩薩是也。我乃手持菩薩是也。我乃寶月菩薩是也。我乃月光菩薩是也。我乃滿月菩薩是也。我乃大力菩薩是也。我等護法天王是也。(合白)今者恭逢皇太后四旬萬壽聖誕。我如來世尊。講大乘經。明無量壽義。用表慶釐之意。藉伸忠敬之忱。吾等虔赴者

闍崛山敬襄佛會須索走遭也。（遼場科同唱）

〔大安樂〕 水重山複誰云遠。袈裟搭處致翩然。隨風一直下龍天。慢俄延。好

去侍經筵。（同下內奏樂科金剛揭諦阿難迦葉如來佛從祿臺上韋馱金翅

鳥乘祿臺雲兜下如來佛唱）

〔聚八仙〕 我有何心愛談經說法。矢口來參一味禪。爲甚的禪榻高懸。禪知

神覺放下相延。這話兒也不是無因漫演。欲與衆生發心願。誇什麼手麾塵舌

吐蓮。我今談妙善。元機風掣電。爲神功聖德人難闡。借這一葉的金經顯。談鋒

開處慈雲現。則這如是因緣。（內奏樂科如來佛白）寶相金容號法王。慈雲

甘露遍西方。手中貝葉非無用。舌上蓮花却有香。今者皇太后乘乾萬方和會。

茲逢皇太后四旬萬壽之期。我佛因將妙法華經。實力宣傳。種種福壽因緣。以

明皇太后恩御之隆。（衆菩薩等從壽臺上同唱）

〔千年調〕 要明知見。只在自心轉。萬千言論。那得許多分辨。何如一念轉關

兒爲善。爲善者。壽必長。福自遠。（作參見科阿難作參禮科白）我佛在上。今

日道場恭慶皇太后四旬萬壽聖誕，就請我佛開青蓮法眼，放大光明，衍聖壽於無窮，顯皇太后之邛隆。（如來佛白）大衆聽者。（作念偈科白）阿逸汝當知，是諸大菩薩，從無數劫來，佛習佛智慧，悉是我所化，今發大道心，在婆娑世界，下方空中居。（內作金鐘梵唄聲如來佛面前現五彩祥雲佛現無量壽佛相衆菩薩同白）世尊現神顯相，以何因緣而有此瑞。（如來佛白）欽惟皇太后卽大通智勝佛，壽五百四十萬億那由他劫，皇太后爲度衆生，故踰無量億歲，而乃得成佛，吾有偈頌，爾須諦聽。（衆白）阿彌陀佛。（如來佛白）如是種種事，昔所未曾有，聞佛壽無量，一切大歡喜。（內金鐘法鼓雲使從壽臺上走勢科五地并升七寶塔垂寶瓔珞寶鈴萬億塔中各坐多寶佛雲使作遶塔科分下多寶佛白）善哉善哉，釋迦牟尼佛，能以平等大慧，教菩薩法，佛所護念，妙法華經，爲皇太后延年福國，正不知幾千萬億也。（如來佛白）南無無量壽如來。（多寶佛白）南無無量壽如來。（衆白）南無無量壽如來。（同詠）如來世尊，雖久滅度，在寶塔中，尙爲法來，諸人云何，不勤爲法，又見滅度，多寶

如來各捨妙土及弟子衆。天人龍神諸供養事。令法久長。故來至此。其寶樹下。諸師子座。佛坐其上。光明嚴飾。如夜闇中。燃大炬火。身出妙香。徧十方國。衆生蒙薰。喜不自勝。（多寶佛白）一一世尊前。一一阿難現。同慶太后壽。無量劫如是。（供養菩薩手持八寶壽臺上遶場科合唱）

〔香山會〕 碧落清虛。多寶塔層層。不二門開面面。金光耀眼。鈴聲振天。還有多寶佛在中央坐禪。（如來佛白）唵頌已畢。大衆就此叩賀者。（衆應供養菩薩天王叩拜科衆同唱）

〔獻天壽〕 五塔巋然天際懸。佛法無邊。此中多少大因緣。佛口特來宣。端只爲大通智勝仁慈遠。大毫光蟠際坤乾。金仙稽首共朝天。介眉壽表心虔。（如來佛衆菩薩等各下座多寶佛暗下天王供養菩薩分下衆井收塔科衆同唱）

〔賺餘〕 大皇仁。酬恩眷。只得法華一卷。證果西方歲十千。似這樣萬修俱全。暢道萬福俱延。就裏機關分明見。誰參誰衍。妙香生處。我佛特闡大乘禪。（衆唱）如來特闡大乘禪。（上下各分下）

大戲 福祿天長

(扮衆仙童引天祿星君衆祿星從壽臺上天祿星君唱)

〔菊花新〕 三霄垂象映紅雲。天祿權操待吉人。澤遍錦乾坤。與造物神功同

運。(白) 普天億兆算無涯。衡石提囊有等差。暮暮朝朝同鼓腹。誰知恩是出

天家。我乃天祿星君是也。贊翊天功恢宏大化。當景運極隆之世。賚之飽食暖

衣。量寸心自種之田。錫以豐財厚祿。爲六合榮華宗主。秉萬年富貴樞機。今者

祥開化域。慶溢諸天。仙宮多暇。正宜宴賞。以答韶華佳麗。已曾邀請。天福天壽

二位星君到來。一同歡宴。童兒衆位星君到時。卽忙通報。(衆仙童應科下衆

仙童引天壽星君衆壽星天福星君衆福星從壽臺上天壽星君天福星君分

唱)

〔青玉案〕 朝來青鳥傳芳信。喜仙侶相招引。遠趁天風鶴駕迅。彩霞靄靄。祥

雲隱隱。知是珠宮近。(分白) 我乃天壽星君是也。我乃天福星君是也。特赴天

祿星君之召。童兒通報。(衆仙童應作通報科衆仙童從壽臺上白) 星君有

請（天祿星君衆祿星從壽臺上仙童白）衆位星君到了（天祿星君白）

道有請（仙童應科天壽星君天福星君白）不識星君呼喚我等有何見教

（天祿星君白）景物清佳敬備一樽敢請二位星君宴賞（天福星君白）妙

酒是神仙祿正宜我輩歡飲（天壽星君白）况星君爲天祿之主宰玉饌玉

醴皆所執掌更當來此取擾（天祿星君白）酒近南山作壽盃少不得也要奉

擾星君的（衆同唱）

〔好事近〕 瑤島宴芳春笑酌蓬壺仙醞千年嘉會滿斟北斗同引人間天上

遇良辰一例歡無盡（麋鹿二隻各負芝從壽臺上天井下白鶴二隻各銜花

衆仙童取鹿鶴之花呈獻科天井收白鶴科麋鹿下衆仙童白）鶴鹿獻花

（衆猿猴捧蟠桃從壽臺上作跳躍跪獻科仙童接蟠桃呈獻科白）猿猴獻

果（衆仙童暗下天祿星君白）猿猴獻果鶴鹿銜花那物類一片敬心衆位

星君滿飲十巨觥（天壽星君天福星君白）我等自然暢飲盡歡（天祿星

君白）衆猿猴就此跳舞一回以侑霞觴（衆猿猴應作跳舞科衆同唱）一

年年綺席長鋪。幾處處金樽頻進。（衆猿猴下衆仙童引廣成子赤松子浮邱伯容成公從壽臺上同唱）

〔又一體〕 颺輪。幾隊碾紅雲。暢好天衢平穩。迢迢銀漢。行處只須一瞬。天邊吉曜。正聯珠喜得長相近。（衆星大仙相見科衆同唱）若非是宴赴蟠桃。定還因閒尋芝蘭。（三星君白）諸位大仙結伴到此。有何貴幹。（大仙白）我等奉元始天尊法旨。恭逢聖主萬壽聖誕。命三位星君。將鴻禧純嘏。遍錫寰中。難得今日。恰好三位星君同聚一處。又值各位福祿壽星在此歡宴。正是九福九祿九壽之數。豈非久久嘉祥之兆。（唱）

〔千秋歲〕 普乾坤。共喜逢昌運。要福祿壽大地駢臻。（三星君唱）遍錫繁禧。遍錫繁禧。也是咱戴皇仁稍舒誠悃。（大仙白）我等尙要往十洲三島。傳諭羣仙一齊叩賀。就此告辭。（唱）捧一紙烟霞信。鈴一顆雷霆印。法語遵須謹。去瀛洲道上。召集仙人。（三星君作送科仙童引大仙下天壽星君白）我想這些普天下。元元何修。而生斯世也。（天福星君天壽星君白）人人得增福。

增祿增壽實爲慶幸不淺也。（天壽星君白）我等就往神州勝處布現嘉祥去者。（天福星君天祿星君白）就此駕雲前往。（衆佈雲使者從壽臺上地井升五色雲盤三星君登五色雲盤衆星等各上雲桌凳參差環遠科衆同唱）

〔又一體〕衆人民帝則欣安順。一處處俗厚風順。共迓鴻禧。共迓鴻禧。永享取萬斯年昇平景運。好趁取天風迅。指日裏長安近。把帝里風光認。想祥開九陌瑞擁千門。（佈雲使者從壽臺旋遠上至祿臺三星君下五色雲盤從天井上至祿臺雲兜下科白）祥爲一人壽。（衆星白）色映九霄青。（衆佈雲使者白）前面已近神州。（三星君白）就此按落雲頭者。（衆佈雲使者從祿臺下三星君登五色雲盤從天井落壽臺科衆同唱）

〔紅繡鞋〕飛身直下青雲。青雲低頭俯視紅塵。紅塵過郊野。越城闔。山疊疊。水粼粼。清世界。錦乾坤。（衆佈雲使者作旋遠科地井收五色雲盤衆佈雲使者分下衆同唱）

〔慶餘〕樂昇平士庶歡聲震。育萬物聖恩高峻。便是咱福祿壽三星也。總賴一人。（下）

清宗人府檔案之初步整理

張國瑞

清代宗人府，設自順治九年，舊署在闕東，沿大清門紅牆迤北西向，民國初年移於東華門外光祿寺內（今孔德學校校址）本院成立之初，即將該府檔案移貯本院一部分，本年四月，繼續移取，並着手清釐。查此項檔案，雜亂異常，且多已殘破不全，現在初步清釐，尙未竣事，茲先就工作所得，並參攷光緒會典及光緒三十四年宗人府則例略述於後：

一宗人府編製之譜牒

按宗人府專掌皇室之宗支屬籍，以顯祖本支爲宗室，伯叔兄弟之支爲覺羅，舉凡輩序，名封，生卒，婚嫁，謚葬諸事，均隨時記載之，按期分別彙編成檔，生者硃書，歿者墨書，計分皇冊，星源集慶，玉牒三種。

1 皇冊

宗人府則例卷一增添皇冊目內載：

凡皇冊向來收藏大內一分，計宗室王公世職章京一本，覺羅並紅帶子紫帶子世職章京一本。每於年終，吏部定期知照領府事王等一人，會同內閣滿洲學士一員，前期一日，恭進黃單，至日，由大內領出安設保和殿，率同內閣中書，將應添應入應改之處，繕寫如式，仍送還大內，俟恭修玉牒之年，更換一分，隨同玉牒小橫格一併進呈。交入後，即將每年添入舊本領回，收存府署。

據此可知府署應藏有歷屆換下之舊本皇冊，現在清出者計有：

光緒三十三年改繕宗室王公世襲章京名冊一本

宣統十四年改繕覺羅世職章京名冊一本

均係滿文，楷書，畫墨色直格，黃雲綾裝皮。記載爵秩，人名及承襲子孫姓名，襲次。宗室名冊內，多有挖改簽注處。

2 星源集慶

宗人府則例卷一增添星源集慶目內載：向例每年恭修十六房清字男女橫格一分，送內收存。嘉慶二十二年，玉牒館總裁和碩肅親王永錫，面奉諭旨：著按照宗人府每年所進十六房清字橫格式樣，敬謹添寫皇上位下以及十六房漢字男女橫格各一分，欽此。遵旨恭辦進呈，收存大內，並奏明每年於封印時，由內領出舊本，將應行添改之處，另繕新本，敬謹增入，於次年開印後，仍送交大內收存。至向來所辦清字橫格，即毋庸另行繕寫等因，嗣於是年恭領新修漢字橫格時，於卷帙簽上奉有星源集慶四字，以後按年皆遵照所奉字樣，敬書如式。

據此可知府署應藏有嘉慶二十二年以前之清字男女橫格舊本及是年以後之漢字星源集慶舊本，現在清出計有：

光緒朝漢字星源集慶

宣統朝漢字星源集慶

均不註年月，僅於冊內查有：「今上皇帝光緒」，「今上皇帝宣統」字樣，知爲光緒及宣統年間所繕者。書係摺疊式，畫朱色橫格，裝黃雲綾皮，黃雲綾套，男女分冊書寫，每冊橫格上均有黃簽，註書某某皇帝位下字樣，男冊記載子孫房次，封號，姓名，生卒年月日時，母妻姓氏，及其平生事蹟。女冊記載父名，房次及本身封號，生卒年月日時，母族姓氏，出嫁者並書所適人之姓名。

3 玉牒

宗人府則例卷二纂修玉牒目內載：

十年一次開館恭修玉牒。凡玉牒大內尊藏小檔一分，壽皇殿之東西室尊藏大檔一分，盛京尊藏小檔一分，府署尊藏大小副本

並備查直檔各一分。

又同目載：

嘉慶十一年奉上諭……向來每屆恭修玉牒之時，即將宗人府所藏上屆副本一分，作爲底本，粘籤改纂，分頁編號。惟是副本內敬繕列聖御諱，黃紅檔內俱有列聖廟號，在修書時，自不能將副本作爲底本，編纂繕寫。迨書成後，不應仍以散帙入庫收藏，所有此次恭修玉牒，著於新書告成後，仍將散頁歸齊裝帙，交工部製造黃櫃敬藏，以昭慎重。嗣後十年一修，俱照此辦理，永遠遵行，欽此。

據此可知府署應藏有嘉慶十一年以前之玉牒散頁及是年以後之副本並備查直檔。現在清出者計有：

A 大檔副本

a 宗室男名直格漢文本

b 宗室男名直格滿文本

c 宗室男名橫格漢文本

d 宗室男名橫格滿文本

e 宗室女名直格漢文本

f 宗室女名直格滿文本

g 覺羅男名直格漢文本

h 覺羅男名直格滿文本

i 覺羅男名橫格漢文本

j 覺羅男名橫格滿文本

k 覺羅女名直格漢文本

l 覺羅女名直格滿文本

B 小檔副本

a 宗室男名直格漢文本

b 宗室男名直格滿文本

c 宗室男名橫格漢文本

d 宗室男名橫格滿文本

e 宗室女名直格漢文本

f 宗室女名直格滿文本

g 覺羅男名橫格漢文本

h 覺羅男名橫格滿文本

C 備查直檔

a 宗室男名漢文本

p 宗室女名漢文本

大檔副本，縱約七〇公分，橫四四公分。直格與橫格均朱色規畫，多係散頁，雜亂異常，且有男名女名合訂一本者，皮頁亦均缺失。僅就其內容所載及頁旁編纂時所蓋之「黃大男直」「黃大女

直」……等戳記分晰之。至其纂修朝代，年月，本次，數目，一時尙難辨悉。小檔副本，現在清出計有一三六本，形式大小不一，最大本縱四七公分，橫三〇公分，最小本縱四〇公分，橫二二·五公分。直格係印朱欄，橫格有印朱色者有墨畫者，均裝訂成本。宗室者，黃布裝皮或黃紙皮，覺羅者，紅布裝皮或紅紙皮。宗室男直檔簽書：「列祖子孫直格玉牒」，橫檔簽書：「玉牒宗室」，女直檔簽書：「列祖女孫直格玉牒」，覺羅男橫檔簽書：「玉牒覺羅」。均不註纂修朝代年月，間有加簽或頁後書寫朝代年分者，現在尙難作爲確證。備查直檔現在清出有三二本，均縱約四七公分，橫三〇公分，畫朱絲欄，黃布裝皮，男名簽書：「列祖子孫直格玉牒備查第□本」，女名簽書：「列祖女孫直格玉牒備查第□本」，均不註纂修朝代年月。

上述大小檔副本，及備查直檔，其內容均有簽註勾改處，按直格

與橫格內容記載之範圍，多有不同。凡直格者，不論宗室，覺羅，大檔，小檔及備查檔，男名均記宗支，房次，封職，姓名，生卒年月日時，母妻姓氏。女名均記宗支，房次，生卒年月日時，母族姓氏，出嫁者並書所適人之姓名。橫格者均係男名，專記宗支，房次，姓名，輩序。

二各處造送之檔簿

按宗人府則例卷十一黃檔房事宜目內載：

凡王公以及閒散宗室覺羅生卒，子女嫁娶，陞遷，過繼，歸宗，更名等事，均隨時呈報黃檔房存記。

據此知宗人府署應藏有各處造送之檔簿，現在清出者計有：

- 1 各旗族長造報宗室紅名男冊，紅名女冊。
- 2 各旗佐領造報覺羅紅名男冊，紅名女冊。
- 3 各旗佐領造報所屬覺羅生男冊，生女冊，娶妻冊，嫁女冊，妻故

冊，身故冊，陞遷冊。

4 盛京各旗宗室族長處造報宗室等娶過妻室併所生子女數目清檔。
5 盛京各旗覺羅族長處造報覺羅等宗譜輩分清冊。

三宗人府日行公事檔案

按清宗人府署內分左司，右司，經歷司，黃檔房，銀庫，空房等處。現在清出者，均係各該處之檔案，其中名稱多有相同者，綜合之可分爲檔簿，摺件，及雜件三類，茲列目於後：

1 檔簿類：

諭旨簿，堂諭簿，恩賞簿，王公章京齋戒簿，發文簿，來文簿，發繕簿，差使簿，考勤簿，俸銀津貼簿。

2 摺件類：

奏摺，奏稿，說堂稿，存案稿，印單。

3 雜件類：

木刻宗人府則例板片，宗人府腰牌。

按清代纂修玉牒，列爲大典，先時共繕四份，計內廷，皇史宬，禮部，宗人府署各貯一份。嗣於乾隆八年，將禮部所藏玉牒移貯盛京敬典閣，五十三年，又將宗人府署所藏玉牒移貯景山壽皇殿之東西室。嘉慶十二年，又將皇史宬所藏玉牒移貯於壽皇殿之東西室。本院成立後，點查乾清宮及壽皇殿之東西室，均藏有玉牒，當時祇查名稱，數目，未能詳細區別登記。今該二處原藏之玉牒，均貯南京分院庫房，卽將着手整理，以便與現在清釐之副本及備查檔作一完整之目錄。

考清代宗人府，位於六部之上，專司皇族之支系，生卒，教養等事。當時清廷對於宗室覺羅特別優厚，例如每於年終，發給恩賞銀兩，遇有婚嫁喪亡等事，亦由清廷給銀，其有獲罪者，得按常人減刑。以致養尊處優，歧視旁族，清室之亡，與此不無關係。茲欲明瞭清室皇族之系統以及清廷待遇皇族之沿革，制度，變遷，是則亟有待於玉牒

及宗人府檔案全部整理工作之竣事，俾便作進一步之研討焉。

宗人府之職掌，在掌宗室之屬籍，其職掌之詳，見於《大清會典事例》宗人府條下。

宗人府之職掌，在掌宗室之屬籍，其職掌之詳，見於《大清會典事例》宗人府條下。

宗人府之職掌，在掌宗室之屬籍，其職掌之詳，見於《大清會典事例》宗人府條下。

宗人府之職掌，在掌宗室之屬籍，其職掌之詳，見於《大清會典事例》宗人府條下。

宗人府之職掌，在掌宗室之屬籍，其職掌之詳，見於《大清會典事例》宗人府條下。

宗人府之職掌，在掌宗室之屬籍，其職掌之詳，見於《大清會典事例》宗人府條下。

宗人府之職掌，在掌宗室之屬籍，其職掌之詳，見於《大清會典事例》宗人府條下。

宗人府之職掌，在掌宗室之屬籍，其職掌之詳，見於《大清會典事例》宗人府條下。

宗人府之職掌，在掌宗室之屬籍，其職掌之詳，見於《大清會典事例》宗人府條下。

宗人府之職掌，在掌宗室之屬籍，其職掌之詳，見於《大清會典事例》宗人府條下。

宗人府之職掌，在掌宗室之屬籍，其職掌之詳，見於《大清會典事例》宗人府條下。

宗人府之職掌，在掌宗室之屬籍，其職掌之詳，見於《大清會典事例》宗人府條下。

本條宗人府職掌，宗人府職掌。

國立北平故宮博物院文獻館二十六年四月分工作報告

整理事項

內閣大庫檔案

- 1 黃冊 繼續將各處黃冊卡片，分別省區，排比朝代年月，現排至工部目錄已將刑部繕完，工部繕至營繕類，計一千四百零六號。
- 2 試錄題名錄 將本院圖書館京庫所存之試錄題名錄二十二冊，補入現存目中，此項工作，現已全部竣事。
- 3 檔簿 繼續編號登記繕寫卡片，本月計編至二千三百十二號。
- 4 重鈔本滿文老檔 繼續覆覈摘由工作，自天命六年十二月至八年正月，共三百八十六則，又核對重鈔之加圈點草本與正本，現已對至七十九冊。

二 軍機處檔案

1 檔簿 開始將已登記之漢文檔簿卡片及號籤，加編分類號及編次號。分類號係準照軍機處檔案分類表所規定之十進號碼編，次號則準照檔案之時代。其有殘缺而時代不備者，尚須隨時加以考證，截至月底，計編竣一百八十三號。

三 內務府檔案

1 檔簿 繼續編號登記繕寫卡片，本月分計繕四百三十七片。

2 陳設冊 繼續編號登記繕寫卡片，計繕二百四十二片。

3 雜亂檔案 繼續分類清釐，計檔簿五百餘本，稿片文件等三百餘捆。

4 昇平署檔案 由雜亂檔案內，清理出呈稿四百餘件。

四 宮中檔案

本月內係將雜於內務府檔案中之宮中檔案，集中一處，並加清釐。已清出之件，計有硃筆諭旨，繳回硃批奏摺，請安摺，彙奏上諭及檔冊等，下月初可開始登記卡片。

五 民初籌備立法院事務局及辦理國民會議事務局檔案

籌備立法院事務局，民國三年十月設，辦理國民會議事務局，民國四年三月設，二局因有連屬關係，其檔案亦混合不分。上月已將各省來電登記一部分，本月繼續貼號登記，截至月底，已登記者，如下列：

各省來電 八一件 又四册

發各省電 一二九件 又三册

發各省密電 一六五件

發各省電稿 七包

來電號簿等 三册

來函 二件

去函稿 一六件

來文 六件

交片 一件

外行文稿

一二件

以上共四一二件一〇册七包

編印事項

1 檔案辭解 繼續蒐集檔案名稱及其中專詞，加以解釋，繕成卡片，計有

A 內閣大庫檔案

雜徵黃冊 額徵學租並應扣缺罰等銀黃冊 賑蠶黃冊 賑

濟饑民黃冊 賑濟貧民黃冊 賑濟流民黃冊 草場黃冊

以上戶部黃冊

貢舉黃冊 牒照黃冊

以上禮部黃冊

秋審黃冊 緩決招冊 緩決目錄冊 熱審黃冊

以上刑部黃冊

吏科奏章文冊 御史奏章文冊

以上都察院黃冊

上中下地 贍軍地 營田 宗錄銀 甲字庫本折錢糧 供

用庫本折錢糧 通倉 運軍行糧 漕折 積引 商課 鹽

規銀 分規銀 課耗釐銀 滴珠銀 長價銀 花馬大池

花馬小池 長蘆 公費

以上黃冊中所用之專詞

絲綸五要 挪動檔 硃簽檔 知照批本檔 早事檔 上諭

檔 上傳檔 滿票籤交片檔 軍機奏事交片檔 會議政務

處閱鈔檔 會議政治館閱鈔檔 憲政編查館閱鈔檔

以上內閣各房檔冊

B 軍機處檔案

早事檔 吏部漢官冊 京官冊 外省官冊 王公檔 御前

行走侍衛 人員簿 各省將軍都統副都統官銜簿 留京辦事檔

密記檔 和圖利檔 密記備查 校理秘文 公記備查 要

政類記

以上軍機處彙鈔關於國家庶政之檔案

內閣奉上諭 奉旨 明發 寄信 廷寄 軍機大臣字寄

軍機臣大傳諭 軍機大臣密寄

以上軍機處檔案中所用之專詞

C 內務府檔案

堂獎 恭理寫事檔 監封收請 選補領催冊 堂獎補用栢

唐阿冊 記事珠 官活檔 免拜知單 山東照常膳底檔

撥用行文底檔 察過現存底檔 上交傢伙底檔 賞用行文

底檔 器皿底檔 節次照常膳底檔 私活檔 題頭檔 添

裁號簿

以上日行公事檔案

慶典送堂檔 呈報 申送 知會 糧價數目冊 移會 畫

匠房例本 鐵作例本 房庫例本 木庫例本 添裁圖片

印單 鐵庫例本

以上各處來文

進匠 尺頭 呈解額外盈餘 夏至大祀 忌辰 養贍錢糧

牌鎗 備賞朝衣

以上內務府檔案中所用之專詞

號簿 稿簿 印簿 青海郡王并輔國公等歲需俸緞數目色

樣清冊 江寧織造章程 領結 勘合 公座簿

以上三處織造檔案

昇平署續行安差蘇拉花名腰牌冊 昇平署續行腰牌冊 昇

平署應領款項並食錢糧米石花名冊 承應戲差行領進門執照花名 應差玩藝人等行領進門執照花名 崑戲擬賞檔

雜項總檔 紅黃紙賬 西紙賬 進供賬 南府事件檔

以上昇平署檔案

D 宮中檔案

本房收貯事件清冊 御膳房漆皮竹木底檔 節次照常膳底

檔 增改文員冊 花名冊 硃批奏摺人員名冊 親軍考勤

簿 該班檔 絲綸總目 提奏單 預選卓異保舉官員冊

通保官員冊 增改官員底冊 輪流官員冊 考成官員冊

以上宮中檔案

2 文獻叢編 二十六年第三輯出版

3 總管內務府現行則例 掌儀司已印至九十四頁

4 清代漢文黃冊聯合目錄 繼續發稿校印，現已印至七百六十八

頁一萬零五百八號。

5 文獻叢編 第十五輯再版。

集中文物

一 宗人府檔案 宗人府玉牒，本院前曾移來一部分貯於寧壽門外院東房。本月六日日本館派員赴孔德學校（宗人府舊址）繼續提取，計移來玉牒及檔簿共九十六本，貯於大高殿庫房，現已整理編目。又開始提取寧壽門外院東房所存之玉牒及檔簿等，移貯本館南三所庫房，截至本月底止，尙未全數提完，下星期內約可竣事。

二 昇平署戲衣 本月將寧壽門外東院舊存之戲衣盔頭等七十七箱，提存九龍壁庫房，開始抖晾整理。

閱覽及借鈔

徐森玉先生借鈔明武職選簿三冊。

趙泉澄先生借鈔戶部黃冊十三冊。

姚從吾先生率領學生參觀內閣大庫檔案。

輔仁大學張鴻翔先生借閱順治至嘉慶五朝實錄十四函。

營造學社蔡申之先生借閱嘉慶道光二朝實錄一百三十三函。

輔仁大學藉承緒先生借閱康熙朝實錄十一函。

北平研究院吳豐培先生借閱軍機處奏摺檔電報檔蒙藏事件摘

要等二十二冊。

與中文書

頁一萬零五百八十八

文獻館刊物一覽及出版年月

掌故叢編	十七年一月一十八年十一月共出十輯
文獻叢編	十九年三月一廿五年底共出三十六輯 廿六年一月一五月共出五輯
文獻特刊	二十四年十月
文獻論叢	二十五年十月
俄文史料	二十五年十月
清三藩史料	廿年十月一廿一年九月共出六輯
史料旬刊	十九年六月一廿年七月共出四十期
清代文字獄檔	廿年五月一廿三年十月共出九輯
嘉慶朝 清代外交史料	廿一年一月一廿一年十月共出六冊
道光朝 清代外交史料	廿一年十一月一廿二年五月共出四冊
清光緒朝中 日交涉史料	廿一年三月一廿一年十月共出四十四冊
清光緒朝中 日交涉史料	廿一年十月一廿二年二月共出十一冊
清宣統朝中 日交涉史料	廿二年二月一六月共出三冊
影印道咸同三朝籌辦夷務始末	十九年一月
影印太平天國文書	二十二年四月
朝鮮國王來書	二十二年二月
清太祖武皇帝實錄	二十一年一月
清太祖努爾哈齊實錄	二十一年二月
多爾袞攝政日記	二十二年十二月
朝鮮迎接都監都廳儀軌	二十一年一月
康熙與羅馬使節關係文書	二十一年三月
讀書堂西征隨筆	二十一年七月

名教罪人	十九年四月
昇平署岔曲	二十四年十月
昇平署月令承應戲	二十五年十月
碎金	二十四年五月
重整內閣大庫殘本書影	二十二年十一月
阿濟格略明事件之滿文木牌	二十四年五月
總管內務府現行則例	廿六年一月一五月共出五冊
清內閣庫貯舊檔輯刊	二十四年一月
雍正不錄奏摺目錄	十九年八月
軍機處檔案目錄	十九年一月
清內務府造辦處輿圖房圖目	二十五年五月
清代實錄總目	二十三年十一月
內閣大庫現存清代漢文黃冊目錄	二十五年四月
清季各國 照會目錄	二十四年一月
乾隆內府輿圖	二十一年一月
交泰殿寶譜	十五年十月
歷代功臣像	二十四年十月
清代帝后像	二十年九月
廣西沿邊各營駐防中越交界對汛法屯距界遠近圖	二十三年三月
印疆明信片	二十一年七月
台灣風俗圖明信片	二十三年二月
太廟考略	二十三年六月
整理檔案規程	二十五年六月